

河套新編



序

黃河濫觴崑崙伏流重源百里一曲自賀蘭繞陰山而南擊龍門
激砥柱以出孟津於是始行平地鼓其湍悍激決隄障歷漢宋元
明清六變其道而未知所底留健之工費巨兆感民生耗國力獨
河套界長城方三千里拊隴秦之背亘古不受河敵地味饒腴蓄
富力以待人事形東壤制談軍防者稱雄巨也唐虞時雍州以西
貢道由積石浮下龍門西河以會於渭汭號通津焉周城幾方禦
獫狁秦蒙恬收河南地因河為塞建三十四縣復渡河築亭障皆
徙謫實邊惜其時疆理規畫之蹟不可稽矣漢置朔方五原郡轉
輸回遠山東成被其勞費獨主父偃盛言朔方地肥饒可省戍漕

廣中國今考漢地理志朔方西河五原諸郡鄰縣有沃野廣牧美
稷臨沃宜梁而西河又有鹽官鴻門鴻門有火井祠火徙地出則
延長石油礦脈實起於套內而鹽澤不僅西邊花馬二池蓋耕屯
畜牧辜權之利自漢已然矣夫既字畜以為利畜之皮革可資衣
被禹貢言織皮崑崙析支渠搜今寧夏東有析支城水經注河水
自朔方東轉經渠搜故城北而崑崙之音通喀喇禹貢為合黎唐
宋以下為賀蘭凡戎言黑者曰崑崙故喀喇烏蘇為黑水崑崙則
山之黑者不必其在河源西域也今寧夏灘皮歲貿中原珍貴齊
狐貂為古織皮之遺商人以橐駝運載向由歸綏大同走京師鐵
道西抵包頭計程千五百里而強急行一日夜可達世以河套為

荒服積鹵非獨棄富源而已其於設險守國之道深根寧極之才
不考古而諏今宜其濶遠而河漢也夫套地北瞰大漠西控準回
二疆為京師右臂東漢渡遼將軍實跨河以為營附南北二虜之
交通唐朔方軍總管轄六胡州自韓公渡河北築三受降城設統
那牛心山等千八百戍突厥不復度陰山南牧此設附之效也赫
連帝朔方城統萬而姚秦奔命魏起盛樂西夏以亡洎南遷洛陽
沃野倡亂諸鎮華夷一時響應爾朱賀六渾出而魏祚中分唐代
保朔方不為突厥回紇吐蕃所有故肅宗得賴靈武將士之力中
興以平巨寇洎拓跋思恭一帥夏銀綬五州元昊卒稱帝禍興趙
宋相終始難以韓范之為將而不能有功也明棄東勝而守河廢

商中益而奪邊利商徙民流委套於敵內築邊疆以自域使虜騎
南向曾無王恢馬邑之懼大同互市俺答封王元孽遂以河套為
湯沐此其成敗得失尤大彰明較著者也清時內外蒙古寧帖不
反側鄂尔多斯孽生至七旗今且受綏遠都統節度設縣相拘格
而蒙邊西域烽燧亦稍起矣凡討軍實設屯戍河柳以為筈駝馬
以資負載麥梁土山之鐵以為兵帷幄之中師武臣謀之載筆者
翹舉往迹亦曰我不可不鑒於有夏斯已耳且夫河未高地建瓴
而下平原常羨溢為害高於黎陽之郊導河出宿胥口下播九河
入於碣石海其功能垂千一百六十餘祀者黎陽二山為之峽也
然猶不得不廝二渠以殺其怒洎其決而南焉無量岡夾谷之限

而中原土性疏窳故所至潴鉅野并漯川奪長淮經齊魯豫江皖
諸境披圖視沿革米斷瓦裂水失其系愈決則愈南洎六變而復
返於北今自銅瓦廂北決六十有六載尾閘入海之處又經七易
近頃屢決濮陽范縣流向益北危及燕趙之郊前以海客善商功
故盧法德戴樂爾皆奮筆有論議戴氏當光緒乙巳之秋謂今行
之河不保二十稔必去故道今十有七年矣所言雖不讎要之河
務方棘未可偷旦夕以為安也夫止湯之沸必減其薪防川之溢
亦分其流流在平原不可控引漢時齊人延年欲開大河上嶺出
之湖中東注海武帝報曰延年計甚深河乃禹所道聖人作事為
萬世功通於神明恐難更改夫引河上嶺其說誠謾誕不可措施

若開套引河施井田溝洫陂障其中則西河以上游波得寬緩復
置林麓於賀蘭陰山及汾沁潞渭諸源使沙得滯流土脉湊潤下
游可減潼激之患河務乃得徐而理此與禹斯渠之工相繫也曩
年從事魯省水利自未京城裏全國水政復贊直魯治運工程硜
硜抱此願戊己之間始發篋出古今書輯河套掌故吳江金君天
翻助余搜討戶部定馮君際隆率工程技術人員贏糧入套地施勾
矩察山川考城堡之廢蹟辨土性之宜否農牧商工驛置貢賦屯
政馬厰無不畢載開卷燦然計程五閱月餐湏肉息穹廬勤勞堅
忍金君復於南方得乾隆七年商邱陳執夫先生履中分巡寧夏
時所纂河套志六卷益有據依今年冬稿成為志二為表一為考

七為記四殿以河套渠墾計畫書一篇都十有五卷其自漢以來
迄今有關河套之奏議碑記雜文則列入外編定名曰河套新編
昔唐韓約治營田朔方東起振武西抵雲州及於中受降城出入
河山之際六百餘里屯堡相望兵農兼事務一而兩得昌黎序之
以為君所請田皆故秦漢時郡縣其利未可一二數使盡用其說
西北邊故所失地可指期而有也今套內漢唐渠工班班可驗因
而廣之鄭國所謂渠成亦秦之利者農戰富強行復見於當世咸
德大業存乎其人殺青有期因弁言簡端以待論道經邦者商榷
焉辛酉季冬濟寧潘復識

...

...

...

...

...

...

...

...

...

序

甲辰之夏余遊濟南與潘子馨航定交大明湖上潘子方司余業
尤究心河渠溝洫之用余慷慨喜軍略相與上下其議論留十日
別去是歲山東大潦潘子起而圖治運中朝旋命副全國水利局
潘子以為中原大利病樞機在河河在榮澤以東病不可驟理法
先治套套利興而河殺其湍激之害欲出國西門至豐鎮以馬駝
蹕草地趨包頭入套察漢唐故渠相其陰陽流泉攬高極深程土
宜肆采物疆理其川原迄於寧夏且與余偕而中朝興替百端諮
謀借箸致邁往之期有待乃先輯河套一編往迹備矣焉君輔之
奮然請代行歸而哀其采風所得又成巨帙參伍排比鏡古識今

辛酉冬稿成。潘子謂余有襄贊之微績，以導言見屬於是。秉筆而序之曰：唐虞建州，雍土宅神皋。西北河未崑崙，墟出羗入胡。自三代以來，不勤遠，故舍地列於荒服。周南仲秦蒙恬，逐獫狁而縣其地。蒙氏且臨河徙，謫戍開屯，實邊寵之，以為新秦中。然皆威戎禦夷，不以是資富殖。漢班固賦西京，叙述山川，猶曰終南太華，洪河涇渭，龍首之渠，不及朔方。華實之毛，附禦之阻，一以為九州之上腴。二以為天地之奧區，隱然視朔方如荒外。蓋僅之一三，輔閉關足以自給。况郡國所在，棋置山澤之地，未盡墾，游食之民未盡歸農。雖有邊穀不能贍腹地。東漢且以處降胡為中國，偵羅耳目。自是以往，劉虎發迹，以興魏赫，連據地以收秦。相陽之塞，君子之津。

河水夜涉鐵騎晨馳者皆旣表之長也唐拓地最廣設四都護府
於外而張仁願渡河築三受降城以拒突厥故安史之亂肅宗獨
得即位靈武策李郭以成中興迨其末葉舉夏銀綬靜宥五州界
拓跋思恭而世其地元昊遂襲赫連之迹明棄大寧三衛肩背已
寒復棄東勝保綏德撤綏德守榆林土木一旂俺答再入曾無石
顏之患洎夫套寇衰而流賊起李自成以米脂滑醜僭號關中不
三月而神京顛覆使套地得隸於中朝有心膂之將武蓋之兵伸
足即及河渭之郊闖亂不至於困棘即不然而以一旅出駐偏關
與寧武天同相犄角坐待中原之勤王土崩不若是易也且吾嘗
考中國之亂外起磧南北內起河淮之間者動不可理土敝而民

艱食也。淮不敵而河來之，河惟土性，奉上腴，套地尤富，實交相敵而農穀坐困，不富不強，以是談邊防者，常以耗中事外為懼。套地雖不懸遠，東阻河南，隔六盤橫嶺，自漢唐胡元外，皆與甌脫等視。明又築邊牆以自剗，今吉囊遺裔自成，伊克昭盟雖雉兔不竄逸，孱弱未可勝扞圍。近歲設官分縣，漢蒙耕牧相馴習，念河敵中原而獨肥一套，計莫如開套引河，規井田，興陂澤，制牐堰，使水自積石下者，滌洄相屈注，柔其湍怒，河津孟門以下，庶不復見傷堤害民之災。徐而推之，固洛汧渭汾沁間，則河可治，河治而後鉅野洪澤渦潁汶泗清河之民，皆可耕耨興水田。於齊趙梁魏燕薊，先以河套為之型範，苟斯議而有成功，不在禹下也。是故策河套者，古

55588
以軍防而今以渠壑時勢使然起營平諸葛蒙張靳潘諸賢於今
日不能廢此言矣抑今海內苦兵革十年擐甲之夫所在作氣勢
張口望哺徵穀於吳楚諸邦蹄踵相屬父老嗟歎然苟操切以從
事徒為萑蒲增寇竊要唯移突邊關使耕屯戍守以待命夾河南
北三受降城之遺蹟在焉今豈無頡利默啜之徒狡焉思啓封疆
是地斗絕西陲呼吸千里內資國富外以建藝藜藿不採之歲茲編
出而河渠兵志左右具宜蓋經國大猷豈與夫方州志乘研覈文
字者比哉壬戌仲春吳江金天翮

道

...

...

...

...

...

...

...

...

叙

馨航總裁潘公悻心力於全國水利既有年矣民國八年間復拜
督辦運工之命。延接中外河工專家廣徵治運計畫。咸以運興黃
下游成交會而黃夙性洶悍為害病運。治運不兼治黃難期效果。
所謂治黃云者又非治於下游捧土飾隄曲防掘突所能成功。
上溯河套荒原興治屯墾事業。消耗水量即以減煞下游洶悍之
勢。黃流順軌而運可以相安。經畫之始詳徵其利病沿革以為基
礎。於是捐川旅備測具派工程測繪學員崔其炳譚玉璽郝逢泰
等諸君從事勘測。仍檄余領率偕往。是役也發北京迄寧夏道經
五原東勝及鄂爾多斯烏拉特阿拉善各蒙旗週迴凡七千里。歷

時五閱月。又三閱月。繪製圖表。編輯報告。明年春報告成。凡六卷。曰墾務。曰渠工。曰農林。曰工商。曰交通。曰渠墾計畫。潘公以為河套之利在渠墾。而渠墾之興替。允足以消息黃流之盛衰。此次勘查之本旨。雖以治黃。而今報告所輯條分縷晰。實於河套治績之大端。已具概略。若再益以歷史地理。已往之事蹟。而發明之。可以為河套專書。因將原本發還。屬以修繕。採往蹟而擴充之。輯為新稿。曰河套新編。同時又將報告原本抄寄吳江金松岑先生。先生為增河套兵事及古今長城管堡關塞諸考。曰河套志略。茲復合二稿為一書。原始要終。仍經松岑先生分別增削。刪改訂定。全書釐為十有六卷。仍其名曰河套新編。此編輯之始末也。謹誌之。即

以為叙於簡端云爾民國十年冬月廬江馮際隆謹識

河套新編目次

志二

河套地理志

河套沿革志

表一

河套內外古今設置郡縣表

考七

河套區域考

河套內外古今長城及營堡關塞考

黃河及諸水考

河套內外諸山考

河套軍事考

河套歷代墾殖考

河套歷代渠工考

記四

河套墾務調查記

河套農林調查記

河套交通調查記

河套工商調查記

河套渠墾計畫書

河套新編

濟寧 潘復馨航 鑑定

吳江 金天翮松岑校正兼編輯

廬江 馮際隆輔之 編輯

河套地理志 附圖一

河套距京師一千一百里。東西北三面距河南限邊牆。邊牆以內

謂之邊內。黃河以外謂之套外。今為實地。築壘規畫固當窮極地

勢。統籌全局不能規。於套內一隅。故本編所言河套內外南起

北緯三十七度二十五分。當陝西靖邊縣治。北至北緯四十一度五十二

分。當五原縣北。狼山東起西經五度十五分。當清水河西至西經

之烏古蒙太口子。縣西黃河

十度四十一分。當寧朔縣西賀計東西相距五度二十六分南北相距四度二十七分面積約三十六萬方里為鄂爾多斯一部七旗寧夏道屬之寧夏寧朔平羅三縣及烏拉特三公旗之南境全部約分四區。

一寧夏 地在河套之西東界黃河西界賀蘭山南起青銅峽北至石嘴山南北長約三百里東西廣由三十里至百餘里不等面積約二萬方里地勢西南高東北較低河水出青銅峽逕向北流決渠引水順流入地灌溉之利得天然形勢元和志所謂賀蘭山東黃河之西有平田可引水灌溉即是處也今屬寧夏寧朔平羅

三縣

二後套 地在前套之北南界黃河北界狼山東起烏拉山西至阿拉善蒙古東境東西長約四百里南北廣約百里面積約四萬方里地勢西南高東北下決渠引水亦得自然之利即漢臨河縣地是也今為杭錦達拉特二旗西北境及烏拉特旗之南境屬五原縣管轄

三前套 地在後套之南寧夏之東南起邊牆東西北三面距河面積約二十九萬方里地勢西部多山中有沙梁渠地不多然可開為旱地甚廣即古朔方郡地今為鄂爾多斯之郡王鄂托克杭錦達拉特準噶爾烏審札薩克七旗及烏拉特之南境屬五原東勝薩拉齊托克托清水河偏關河曲神木榆林橫山靖邊定邊鹽

池平羅等縣管轄

四三湖灣 地在前套之北後套之東黃河距其南烏拉山環其北西起西山嘴東至全巴圖東西長約一百二十里南北廣由十里至二十里不等面積約一千八百方里地勢西高東下土質腴肥蓋河水沖積而成故亦謂之冲灘以三湖河灌溉亦得天然之水利今為烏拉特三公折公共之地屬五原縣管轄

山脈 套外山脈北為陰山東為勾注南為橫山西為賀蘭賀蘭起於松山北貫長城在黃河西北為巴克丁山為阿坦山在寧夏西為賀蘭山至寧夏北黃河而伏為乞伏山蓋西套蒙古之界山也其支脈接河套一由右嘴山過黃河為石喇叭山一由青銅峽

過黃河為牛首山陰山起於河套西北其脈向東在後套北為狼
山在三湖灣北為烏拉山在薩拉齊北為大青山經綏遠向東蜿
蜒千有餘里其支脈過黑河為桌子山而西經涼城左雲湖縣西
連恒山是為勾注其支脈向西至老牛灣過黃河入河套橫山南
起六盤西接牛首其脈向東在鎮戎縣南為花樹山在定邊縣南
為白於山在靖邊縣南為海兒山在橫山縣南為橫山東至黃河
其支脈自定邊縣接河套套內地脈亦頗有起伏除自為盆地外
大致鄂托克旗諸水西流入河達拉特準噶爾二旗諸水皆東流
入河郡王烏審二旗諸水皆南流入邊牆及長城凡賀蘭山東陰
山之南勾注之西北其水皆入河套黃河北河套內外山脈之大

勢也

河川 套內以黃河為主要河川自青銅峽入套經寧夏後套三湖灣繞前套鄂爾多斯至河曲縣西出套入塞綿長二十餘里其川流湖泊可分為三大網在寧夏寧朔平羅套西部者為賀蘭山麓所發源在土默特烏拉特套東北部者則發源於陰山南麓及勾注西北在套內及套南部者則發源於橫山之北及鄂爾多斯本部統稱為鄂爾多斯諸水歷代渠工多引河以為灌溉詳渠工考

沙漠 蒙古謂之戈壁漢人謂之瀚海鄂爾多斯與阿拉善諸部斥鹵千里蓋沙漠阻塞水氣不通之故沙漠之高者曰明沙細小

成粒隨風簸揚乍起乍伏成為小山狀若仰盂或若伏碗蒙古謂
之峇哈漢人謂之沙陀子仰盂式謂之沙窩子寸草不生無從耕
牧下濕之地亦斥鹵不毛惟水匯為湖澤蒙人謂之諾爾凝為鹽
域頗獲自然之利至若高下酌中之地得雨水之浸潤青草穰青
可耕可牧故蒙人多逐水草而居此地蒙人謂之他拉漢人謂之
甸耳蒙人游牧之界以脰包為表職隄包者蒙人所構處也形似
烽煙臺以磚石為之高數丈上插樹枝若茅茨狀設於山環水繞
佳勝之地每年四月時舉行祈禱蓋一舉而兩用也

河

經

緯

緯

緯

緯

緯

河套沿革志

河套古雍州地禹貢載析支渠搜三代之季戎狄據之殷帝乙三年王命南仲築城朔方詩云薄伐獫狁至於太原出車彭城彼朔方是也周武王定天下追夷戎於涇洛之北名曰荒服夷王三年

虢公伐戎於太原

在今甘肅固原縣非今山西之太原也

宣王元年獫狁內侵命尹

吉甫北伐逐之太原詩云獫狁匪如整居焦獲侵鎬及方至於涇

陽鎬在靈州境非鎬京方即朔方涇陽涇水之北也春秋晉文公

攘戎狄居於河西圖洛之間號曰赤白翟秦穆公得由余西戎八

國服於秦故岐梁涇漆之北有義渠大荔烏氏朐衍之戎蓋自周

之盛戎狄諸種雜居於秦晉之郊朔方已不隸版圖久矣戰國魏

惠王十九年築長城塞回陽以界戎戎亦築城以自固其後回陽
降於秦魏遷其民於九原趙武靈王二十四年西畧地榆中越四
年又攘地至雲中九原是時趙有九原魏有上郡以與戎界邊已
而魏獻上郡於秦秦又滅義渠於是秦有隴西北地上郡築長城
以拒胡而趙武靈王北破樓煩築長城自代傍陰山下至高闕為
塞置雲中雁門代郡於是河套全部悉在三國包圍中矣秦始皇
既併天下乃置九原等郡使蒙恬悉收河南地因河為塞築三十
四縣城臨河徙謫戍以充之號曰新秦又渡河取高闕陽山北假
中因邊山險修繕燕趙故塞接築長城起臨洮至遼東延袤萬里
匈奴北徙又通直道道九原抵雲陽塹山湮谷遷之北河榆中三萬

家河套浚渠也。雙由是始。後蒙恬死，中原擾亂，匈奴入居河南。漢武帝元朔二年，遣衛青、李息等入，出擊于胡之樓煩、白羊，王收河南地，置朔方、五原等郡，興十餘萬人築衛朔方，費數十百鉅萬。而上又偃威言朔方地肥饒，外阻河，蒙恬城之，以逐匈奴。內省轉輸，成漕為廣中國，攘外狄。之本當時公卿皆言不便，而武帝卒用偃計。立朔方郡，自是匈奴怨漢，奪其地，數寇擾河南。朔方漢大破之於是。渾邪王殺休屠王，并將其眾降漢。隴西北地、河西益少胡寇。乃徙關東貧民處河南、新秦中，以實之。元狩三年，山東被水，復徙貧民於關西。朔方七十餘萬口，皆興產業，費以億計。是時塞下徙民日衆，而墾殖稍盛焉。王莽改郡以朔方為漢，搜五原為龍，降雲中。

為受降後盧芳據安定尋入匈奴李興等迎芳入塞都九原掠有
五原朔方雲中定襄雁門五郡地章帝章和元年北單于敗於鮮
卑北庭大亂安帝永初五年羌畔寇逼是時二十石今長多內地
人怯於戰守皆爭上徙避寇難朝廷從之遂移安定徙美陽北地
徙池陽上郡徙衙順帝永和間又徙上郡治夏陽西河治離石和
方治五原永建初西河上郡朔方皆殘破四年淳于詡上疏請復二
郡略謂高有雍州之域厥田惟上且沃野千里穀價殷積又有龜
茲鹽池以為民利水草豐美土宜畜牧牛馬銜尾群羊塞道北阻
山河乘厄據險因渠以溉水春河槽用功少而軍糧足故孝武皇
帝及光武皇帝朔方開西河置上郡皆為此也頃遭元元之災象元

內潰郡縣兵荒二十餘年夫棄沃壤之饒捐自然之財不可為利

離河山之阻守無險之處難以為固云云九月詔復北地上郡還

舊土始言河套屯墾之利者惟此為最詳及靈帝末羌胡大擾定

襄雲中五原朔方上郡等均流徙分散建安十八年省并州其後

魏武帝復置并州於嶺南自陘嶺以北并棄之以內注為塞是時

河套內外為羌胡雜居之地晉初河套之地屬於匈奴至劉虎南

奴右賢王去卑之後益盛虎與鮮卑拓跋氏固夷河而居傳至劉衛辰降於

符秦孝武太元二年河以西屬衛辰統之尋加衛辰為西單于屯

代來城十六年魏主珪什翼健之孫自五原金津今大黑河南渡河徑入衛

辰國直抵其所居悅跋城衛辰走死其少子勃勃奔姚秦秦以勃

勃為安北將軍使助沒奕干鎮高平尋又與為五原公配以三交
 五部鮮卑及雜部二萬餘落鎮朔方既而勃勃叛秦襲殺沒奕干
 薛干等部而并其眾安帝義熙三年自稱大夏天王改性赫連六
 年徙萬六千戶於大城置朔州九年建都城於朔方號曰統萬河
 套在晉雖歷屬於前趙後趙苻秦姚秦要無甚建置可記惟衛辰
 族割據最久及勃勃改性赫連建都統萬終夏有國三十餘年直
 至太武帝始光四年克統萬河套之地始為於後魏後魏拓跋力
 微始居盛樂四傳至祿官力微少子四傳始及之分其國為三部一居上谷
 之北濡源之西在宣化西北自統之一居參合陁之北在大同縣東百里使兄
 子猗屯統之一居盛樂使猗屯弟猗盧統之猗屯猗盧均沙漠汗子沙漠汗在曹魏景

元二年入質晉武帝後倚盧總攝三部晉懷帝時因討劉虎功并
泰始三年始歸國

州刺史劉昆因表析盧為大單于封代公徙馬邑城盛樂以為北

都修故平城以為南都愍帝建興二年進倚盧為代主其後國亂

至鬱律徙都於東水根山在大同北境及什翼健更營盛樂即而安君

什翼健之弑什翼健劉衛辰引符秦兵擊定代地分代兵為二部
庶長子

自河以東屬別部大人劉庫仁什翼健之甥亦衛辰族河以西屬劉衛辰太

元十一年什翼健孫珽立復居盛樂改代曰魏於是擊劉顯破柔

然滅衛辰漢南諸部悉降安帝降安二年遷都平城稱帝於緣邊

置六鎮太宗泰常八年晉亡後四築長城於長川之南起自赤城

在宣西至五原延袤二千餘里太武始光四年克統萬執赫連昌
比境

河套內外悉為魏有薄骨律鎮將刁雍上表請問富平西父山渠
 通河水溉田四萬頃人獲其利由是人民之來歸日眾備置戍衛
 因河溉田有與秦漢相列者矣迨胡后內亂六鎮外擾兩朱構禍
 國分為二孝武遷長安為西魏後為宇文覺篡曰周孝靜遷鄴為
 東魏後為高洋篡曰齊齊文宣天保七年發民一百八十萬築長
 城自幽州夏口至恒州九百里先是自西河總秦戍築長城東至
 於海前後所築東西三千里其地西起黃河經天同繞居庸至於
 海八年築重城周建德由於河套荒原增置州郡及齊亡河東河
 西悉為周有隋受周禪開皇三年命衛王爽北伐突厥出朔州道
 大破沙鉢略可汗於白道今歸化城西五年遣司農少卿崔仲方
 之白道嶺

發丁三萬於朔方置武築長城至綏州後改為明年又令仲才發

丁十五萬於朔方以東緣邊險要築數十城以處降者十九年以

突厥突利為啓民可汗妻以義成公主處之朔州詔置豐勝二州

於河南地煬帝大業三年改豐州為五原郡勝州為榆林郡發丁

百餘萬築長城西踰榆林東至紫河今烏蘆木洽河一旬而罷四年又發

丁二十萬築長城自榆谷西寧西境而東長孫晟奏築于部落歸者許

眾雖在長城內猶被布想抄掠請徙五原以河為固於是勝兩州

東西至河南北四百里掘為溝塹今處其內任情牧放上從之十

三年梁師都據朔方引突厥處河南地襲取雕陰宏化延安鹽州

等郡達於帝國號梁突厥號為大郭子和據榆林南連梁師都北

可
斤
編
二
五

河金新編
時定取稱水樂王

夏殿以為平揚可江子
和不敢當因為屋利

劉武固據馬邑引突厥

臨樓煩定襄雁門等郡稱定揚可汗至是河套內外為梁郭諸雄

割據突厥骨張漢民流徙分眾而州郡破壞不復有初時之盛矣

唐高祖武德初秦王世民擊敗劉武固降郭子和而豐州絕遠先

屬突厥交相往來吏不能禁因太子建成議廢豐州虛其城郭徙

百姓於靈州割併五原榆五之地於是突厥遠慮羅之子都設連

所部萬餘眾入處河南地以靈州為境帝會群臣問所以備邊之

策中書侍郎溫彥博曰魏為長墊過勻如今可同從之太宗貞觀

二年遣岑紹節為徵擊梁師都劉昊譙率勁兵據朔方東城師都

兵勢日蹙其從父洛仁斬師都計紹降以其地為夏州又破突厥

奪得河南地自陰山北至大漠皆內屬因置豐勝等州以領之水
涇中突厥圍豐州朝廷議棄豐保靈夏因唐休璟言而止景龍二

年朔方軍總管張仁愿請於河北築三受降城役者盡力六旬而

城就以拂雲堆為中城南直朔方西域直靈武東城直榆林相去

各四百里皆據津要北拓地三百餘里於牛頭朝那山

在烏拉特
折東九十

里北置烽堠一千八百所自是朔方無寇患元宗開元九年置麟

州安集党項部落自元宗以後七堡日闢開元十年張說奏罷成

兵二十萬憲宗元和六年轉運使韓重華募人為十五屯屯置百

三十人而種百頃令各就高為堡東起振武轉而西過雲中界極

於中受降城出入河山之際六百餘里七堡相望寇來不能為暴

道武宣以後党項稍稍為患廣明二年拓拔思恭党項別部為宥州刺

史以討黃巢有功授定難軍節度賜姓李有銀夏等州其後歷五

代皆世守其地宋太平興國七年夏州留後李繼捧繼捧党項別部拓跋思恭

之後思恭為唐宥州刺史廣明二年以討黃巢功授定難軍節度

使卒其弟思諫代之賜姓李卒思恭孫嗣為其部下所弒立其族

父仁福代梁封虢才王卒子彞起嗣卒兄彞殷代之歷事唐晉漢

周及彞殷卒子克毅嗣破北漢吳堡宋加以檢校大尉卒子繼均

嗣為檢校司徒定難軍節度使觀察留後卒繼捧立始以銀夏綏

為夏州留後自思恭至繼捧凡九傳

宥四州歸宋賜姓名趙保忠留居銀州其族弟繼遷走地介澤距夏

州東北三百里以叛尋附契丹契丹以為夏州節度既而封夏王屢寇宋

邊境淳化二年李繼遷請降以為銀州觀察使賜姓名趙保吉至

道二年授定難軍節度使割銀夏綏宥靜五州與之既而復叛咸

平五年陷靈州遂略有朔方地改靈州為西平府又攻西蕃取西
涼府為六谷蕃帥所敗死子德明嗣立益強盡取河西地據有夏
銀綏宥靜靈鹽勝甘涼瓜沙等州又增置洪定威龍韋諸州及宣
元元年稱帝國號夏改元天授建都興慶府阻河依賀蘭山為固
是時河套內外俱為西夏所有分置一軍於河北以備契丹於河
南置鹽州路以備原慶環渭左廂置宥州路以備麟府鄜延右廂
置甘州路以備吐蕃回紇及靖康初乾順元昊之又取河西豐麟
府三州之地遼太宗既授立石晉取燕雲十六州興宗景福十三
年以雲州為西京大同府於河北置東勝雲內等州南與西夏夾
河為界完顏氏起克遼西京又取東勝龍青塚敗遼主於天德雲

內間七年獲遼主延禧於應州遼亡元求南迫弱宋於是河套以

外宋遼故地悉為金有以大同府仍遼舊為西京改宋延安府為

鄜廷路慶陽府為慶原路宋寶慶三年元太祖滅夏盡收夏城邑

太宗時入陝西臨金鳳翔諸路至元八年置西夏中興等處行中

書省二十五年改中興府為寧夏路元貞初并寧夏行省於甘肅

其地則屬東勝雲內諸州及延安寧夏等路而隸中書省及陝西

甘肅等行省元之亡也擴廓帖木耳擴廓即王保保猶據套為邊

患先後為徐達李文忠所破遂城勝州建東勝左右二衛於大同

降城改寧夏路為寧夏府後府廢改寧夏衛遷五方之人實之承

樂初以東勝孤遠撤之內守正統後都督王禎始築榆林城創沿

邊營堡墩台二十四所。天順六年，蒙古毛里孩、阿勒綽爾、索羅忽
俱出入河套，為邊患。成化中，仇嘉思、蘭殺、阿勒綽爾併其眾而結
滿都魯入套，屢寇延綏。固原邊郡於是搜套之議起。既而相議以
糧墮馬乏，難於成功。八年，延綏撫臣余子俊創築榆林邊牆，而河
套漸成甌脫。十六年，總督王越襲敗套部於威寧海子。滿都魯遁
去，幾火飾之，部入套居之。正德間，吉囊部落擊破火飾，往牧套內。
俺答住牧豐州灘。吉囊、俺答俱元太祖
後裔，連延汗之孫也。二部於諸部最強，為邊患
吉囊死，有子九人，分牧而處，推俺答為尊。河東關西歲被蹂躪。二
十五年，督臣曹銳議復河套，為嚴嵩所構，棄市。後無敢議及河套
者。隆慶間，俺答歸封順義王，名其地為歸化土默特。後為察哈爾

河套
所滅而套內吉囊種落住牧如故大河以北則瓦喇居之自明之
中葉以後河套內外悉入蒙古遊牧之地其勢力範圍為明人所
不能問故除榆林寧夏二衛之外不復有防守之跡矣清初河套
邊內衛所之設置略同明舊其邊外蒙古初以察哈爾林丹呼土
克圖汗最強諸部咸服屬之及太宗征滅察哈爾林丹西奔所屬
相繼降下封爵世襲正其疆界地入版圖設理藩院以統之是時
駐牧河套內外者為部四為旗一十有二

套內鄂爾多斯部為旗七

一居敖西喜峰濟農

譯言郡王又吉納吉能
濟農濟納皆音之轉也

額林臣

元太祖
後裔

天聰

九年來歸順治六年封多羅郡王世襲罔替授扎薩克掌左翼中

折土語轄佐領土語寧蓋每十七雍正六年又封一輔國公駐牧

河套正中近東旗界內有納瑪帶泊及烏蘭木淪河

一居扎拉谷順治六年封其台吉色稜額林臣固山貝子世襲罔

替授扎薩克掌左翼前旗土語畢轄佐領四十二駐牧河套東南

部旗界內有黃甫川和斯台泊

一居巴爾哈珠湖崇德六年台吉沙克扎額林臣來歸順治七年

封固山貝子世襲罔替授扎薩克掌左翼後旗土語連轄佐領四

十駐牧河套東北部旗界內有才登海子坎泰河

一居錫拉布哩多諾爾崇德六年台吉善丹額林臣來歸順治七

年封多羅貝勒世襲罔替授扎薩克掌右翼中旗土語寧佐領八

十四駐牧河套西才近南旗境有金山柏木池其子索拉木孫松
喇布復以經理驛站功封多羅郡王後仍襲貝勒康熙二十二年
松喇布請移牧蘇海阿嚕遣侍郎阿喇泥勘奏其地距興武營邊
外五六十里或百里非邊內民可耕之地應允其移牧從之三十
一年又奏察漠托輝在黃河西岸多獸乞免獵禁並請由黃河造
船渡後並請收察漠托輝均從之三十六年乞布定邊花馬池平
羅城又奏邊內民出邊耕車林塔拉蘇海阿嚕地勿禁從之是為
有清漢民耕種河套始

一居巴哈諾爾順治六年封其台吉額琳沁額林貝子固山貝子世

襲罔替授札薩克掌印右翼前旗土語馬審佐領四十三駐牧河套西南

部族境有哈柳圖河

一居鄂爾吉度沁兩順治六年封其台吉小扎木素額林目鎮國

公世襲罔替授扎薩克掌右翼後旗土語佐領三十六駐牧河套

西北部族境有大益澤及西喇木淪河其孫都統康熙三十七年

以軍功晉封固山貝子乾隆十九年都統孫齊旺班珠爾晉封多

羅貝勒後仍襲貝子

一附居右翼前旗台吉定咱喇什額林目奉係三等台吉雍正九

年以軍功晉封一等台吉乾隆元年授扎薩克掌右翼前末旗土語

扎薩佐領十三四十九年詔世襲罔替初游牧六旗之內後於西

翼中劃撥牧地與之界左翼中旗及左翼前旗之間所部七旗同

牧套內自為一盟曰伊克昭譯言大廟貢道由殺虎口

套北烏拉特部為旗三元裔鄂木布圖巴色種等均元太祖弟哈布哈薩爾之後

尚天聰七年來歸順治五年封圖巴鎮國公世襲罔替授札薩克

掌中旗上語中公轄佐領十六封鄂木布子譯班鎮國公世襲罔替授

札薩克掌前旗上語西公轄佐領十二封色種子巴克巴海輔國公世

襲罔替授札薩克掌後旗上語東公轄佐領六同駐哈達瑪爾譯語鐵柱谷

牧地東歸化土默特南黃河東北毛明安及喀爾喀右翼旗西北

三音諾顏部跨陰山南北隸烏蘭察布盟貢道由殺虎口

套東歸化土默特部為旗二初滅於察哈爾天聰六年太宗征察

哈爾駐蹕歸化城塔根之孫俄木布元太祖之後格及其頭目古

根係俺答之孫

祿格抗高託博克迎降。既而俄木布以罪廢，乃編所部為二旗。以古祿格為左翼都統，抗高為右翼都統，俱駐城內。各轄佐領三十。雍正元年設同知等官。乾隆四年築綏遠城，移右衛將軍駐劄城。中二十八年以兩翼都統事務改歸將軍管轄，都統之職改為流官。不世襲。二十九年分設清水河、薩拉齊、和林格爾、托克托城、通判、興歸化、綏遠二同知，為六廳屬。歸綏道以隸山西省。是時秦晉貧民相率來歸，築室耕田，不異內省。而上默特蒙民亦與同化焉。然旗制編分如故。至若俺答子孫始隸於兩翼，為台吉。及乾隆二十一年以軍功乃封一輔國公。世襲貢道由殺虎口。

套西阿拉善厄魯特部初名套囊。康熙十六年為葛爾丹所破，其

濟農巴圖額爾克

姓和羅理元太祖弟哈布圖哈薩爾之後裔

逃至近邊二十五年上

書請給牧地與之

三十六年授札薩克封多羅貝勒雍正元年其

子額附阿宝襲以功晉封多羅郡王乾隆十四年子羅卜藏道爾

濟降襲多羅貝勒二十二年以功晉封多羅郡王三十年又晉封

和碩親王世龍在回替轄佐領八牧地當賀蘭山西駐博羅冲其克

地方及定遠城自為一部不設盟所其西有鹽池即吉蘭泰池是

也

邊內地初設衛所及蒙古既定遂改為府縣隸屬山西陝西甘肅

等省至寧夏一區自王全臣開浚渠道經營日盛至雍正二年改

寧夏衛為寧夏道置寧夏寧朔平羅等縣而後套亦於光緒間增

置五原東勝二廳同屬於歸化道隸山西行省

100

親

親

親

親

親

三

河套内外古今設置郡縣沿革表

丙 郡縣治在河套內

甲 郡縣治在河套外黃河之東

乙 郡縣治在河套外黃河之北

丙 郡縣治在河套外黃河之西

丁 郡縣治在河套外邊牆之南

○ 郡縣治在河套外兼轄套內之地者

符號

時代

郡 縣

禹貢

周

沿

革

雍州之域

荒服 戰國趙九原魏上郡秦北地等郡

河套新編

卷三

一

樓 榆 固 雲 九 上 胸 白 朔
 煩 中 陽 中 原 郡 衍 狄 搜

漢書武帝本紀周之成康北伐渠搜○河套志渠搜在河套中

朔方在河套中
 毛氏詩傳朔方近獫狁之國也○河套志

東史記匈奴晉文公攘翟居於西河圖洛之間○元和志綏州春秋白狄所居

西史記匈奴傳平王末岐梁涇漆之北有胸衍或括地志藍州古胸衍戎地

南史紀秦本記惠文王十年魏納上郡十五縣

北竹書紀年魏襄王十七年命大夫奴遷於九原

東史記趙世家趙主父西北略地欲從雲中九原直南襲秦

西史記六國表魏惠王十九年築長城塞固陽

內史記趙世家趙武靈王二十年西略地至榆中

東史記匈奴傳趙武靈王變俗胡服習騎射北伐林胡樓煩築長城自代並陰山下至

秦

高關為塞

新秦中

南 史記匈奴傳秦昭王伐殘義渠於是北地郡

東南 即水經注秦昭王三年置上郡治膚施

東 戰國趙雲中秦始皇十三年置郡

北 戰國趙九原秦置郡

東 戰國樓煩胡地秦置郡

內 史記匈奴傳始皇三十二年使蒙恬將三十萬眾北擊胡悉收河南地因河為塞築三十四縣城臨河徙適戍以充之號曰新秦屬北地郡

北 史記匈奴傳蒙恬渡河據陽山北假中

北地郡

上郡

雲中郡

九原郡

雁門郡

新秦

北假

河
新
縣

固
陽

臨
河

漢

朔
方
郡

朔
方

渠
搜

廣
牧

臨
河

沃
野

北 水經注河水東逕桐陽故城南固亦作桐

內 水經注河水東逕高閭南又東逕臨河縣故城北

并州刺史部

內 秦郭泰由漢初為匈奴河南地元朔二年置朔方郡屬并州領縣十存今鄂爾多斯西境及阿拉善東境

內 朔方郡治朔方縣元朔二在置王莽改曰武符在今五原縣東南

內 中郎都尉治渠搜縣王莽改曰溝搜亭存今五原縣東南

內 東郎都尉治廣牧縣王莽改曰鹽宜存今五原縣南

內 元朔三年封代秦王王子劉賢為侯國王莽改曰監河在今五原縣西

內 元狩三年立王莽改曰綏武存今五原縣西南

蘇渾

臨戎

三封

呼道

脩都

五原郡

九原

五原

宜梁

成宜

西

元朔二年立西部都尉治蘇渾縣王莽改曰溝搜郡及後武縣在今平羅縣北

內

元朔五年置王莽改曰推武後漢胡才郡治在今平羅縣北

西

元狩二年立在今平羅縣北

無攷

北

秦九原郡漢初為匈奴地元朔二年置五原郡屬并州領縣十六在今烏拉特境及鄂爾多斯東北境有十二縣近河套

北

五原郡治九原縣王莽改郡曰獲隆縣曰成平在今包頭鎮西

北

王莽改曰填河亭在今包頭鎮西北

北

在今包頭鎮西

北

王莽改曰艾塢在今包頭鎮西

西安陽

河目

臨沃

相陽

河陰

南與

曼柏

武都

雲中郡

北王莽改曰單安在今三湖灣北

北在今大系太鎮

北王莽改曰振武在今包頭鎮東

北王莽改曰固陰在今包頭鎮東南

內在今包頭鎮南

內王莽改曰南利在今河曲縣北

內在今河曲縣西北

內在今河曲縣西北

東秦郡漢以屬并州領縣十一在今土默特

西部及鄂爾多斯東南境郡及雲中等五

縣近河套

雲中

東雲中郡治雲中縣王莽改郡曰受降縣曰遠服在今托克托縣東

沙陵

東王莽改曰希思在今托克托縣境

咸陽

北王莽改曰賁武今薩拉齊縣城

損陵

東在今清水河縣西北境

沙南

內在今準噶爾旗境

定襄郡

東郡屬有桐過等二縣近河套

桐過

東王莽改曰倚桐今清水河縣北

武進

東在今清水河縣南

西河郡

內秦太原雲中九原等郡元朔四年拆置西河郡屬并州領縣三十六而郡及富昌等九縣近河套

富昌

美稷

大成

虎猛

平定

增山

圓陰

圓陽

鴻門

上郡

西河郡治富昌縣王莽改郡曰歸新縣曰

富城在今河曲縣西北

富城在今府谷縣西北

在今府谷縣西北

在今東勝縣

在今東勝縣

在今東勝縣

惠帝五年立王莽改曰方陰在今神木縣

在今神木縣東南

在今神木縣東南

治膚施近河套郡屬有奢延等五縣在套

南內

奢延

龜茲

白土

損林

高望

北地郡

富平

廉

靈武

因王莽改曰奢節在今橫山縣西

因在今榆林縣西北

因王莽改曰黃土在今神木縣西北

因在今神木縣北

因在今榆林縣北

因郡屬有富平等五縣近河套

西秦縣漢北地郡都尉治王莽改曰威武
南郡及持武縣後漢北地郡治在今靈武縣南

西王莽改曰西河亭在今寧夏縣南

西在今寧朔縣西北

十六國

胸衍

靈州

統萬城

三文城

五原

果城

契吳城

代來城

大城

西 在今鹽池縣

西 在今靈武縣河渚上

夏統萬城

西 漢奢延縣地晉義熙九年夏建為都城在懷遠正西九十七里懷遠今橫山縣

西 在統萬城西今鹽池縣北

西 五原有二一漢胸衍今鹽池縣一漢五原郡

西 漢靈州北

西 在統萬城北一百二十里

西 在今鄂爾多斯左翼中旗

西 即幽州

南北朝

木城

夏州化政郡

闡熙郡

代名郡

益州大興郡

靈州普樂郡

南 東 在今神木縣南

魏夏州

內 夏統萬城始光四年平為統萬鎮太和十

一年改置夏州十二年置化政郡領巖祿

華融二縣西魏改郡弘化固因之又置寧

朔縣在今榆林橫山等縣界

南 太和十一年置郡領山鹿新固二縣今靖

邊縣西魏又置長澤縣固因之在今靖邊

縣界

內 夏代木城太安二年置郡領呼道渠搜二

縣在榆林縣北

西 漢胸衍魏置州郡領五原縣西魏改五原

南 郡固因之今鹽池縣界

西 夏果城太延二年置簿骨律鎮孝昌二年

南 改置州固置普樂郡領迴樂縣在今靈武

縣界

懷遠郡

歷城郡

銀州中鄉郡

雲州雲中郡

懷朔鎮

沃野鎮

甘草城

永豐鎮

西漢廉縣地周建德三年遷二千戶於此置

郡及懷遠縣今寧夏縣治

內漢渾懷障太和初平三齊徙歷下人於此
邊有歷城之名周因置郡及建安縣後廢
今鄂托克旗境

東漢固陰縣周保定三年置州及郡在今神
木縣

東漢雲中郡魏建都於此號威樂城後置州
及郡領威樂等縣在今托克托縣

北漢五原郡魏太祖置懷朔鎮
後為朔州

北魏時沃野有三一縣屬東夏州偏城郡在
邊內一漢縣在河套內一鎮在河北天德
軍城北六十里

內漢廣牧縣周俗謂之甘草城

內漢臨戎縣周置永豐鎮

胡方郡

巖祿

寧朔

德靜

長澤

鹽川郡

五原

靈武郡

迴樂

五原榆林等郡

魏夏州北政郡大業初改置朔方郡領巖祿等縣

魏縣隋因之為朔方郡治

漢龜茲縣地因置寧朔縣在今榆林

縣西

漢龜茲縣地因置焉耆郡大業九年置德靜

縣在今榆林縣西

魏開熙郡開皇三年廢郡改山鹿新因二

縣為長澤縣

魏益州大興郡大業初改置鹽川郡領五

原縣

魏縣隋因之為鹽川郡治

魏靈州因置普樂郡大業三年改靈武郡

領迴樂等縣

因縣隋因之為靈武郡治

懷遠

弘靜

靈武

隴陰郡

銀城

榆林郡

榆林

富昌

金河

西 周懷遠郡及懷遠縣開皇初郡廢以縣屬靈武郡

西 開皇十一年置屬靈武郡在今寧夏縣南

西 周恩城郡及建安縣開皇初郡廢仁壽初以縣改靈武為靈武郡

東 郡有銀城縣近河套

東 漢隴陰縣魏石城國改銀城縣隋因之屬隴陰郡

丙 漢沙南河陰等縣開皇三年置榆林郡七年又置縣屬雲州二十年割雲中之榆林

富昌金河三縣置勝州大業初改為榆林郡領榆林等縣

丙 漢沙南縣唐魏晉皆無縣區開皇七年置縣

西 漢富昌縣開皇十年置縣

丙 今榆林關

唐

五原郡

內漢臨戎縣周置水豐鎮開皇五年置豐州
仁壽元年置總管府煬帝初改為五原郡
領九原等縣

九原

內漢廣牧縣周俗謂甘草城開皇五年
置縣

水豐

內五原郡治水豐縣

大同城

北漢河目縣地隋築大同城

定襄郡

東魏雲州雲中郡隋初為雲州後改為定襄
郡領大利等縣

關內道

夏州

內隋朔方郡貞觀二年改夏州置都督府天
宝初改朔方郡乾元初仍為夏州貞元三
年置節度使中和二年號定難軍領朔方
等四縣

朔方

內隋巖祿縣貞觀二年
改名並為夏州治

寧朔

德靜

長澤

宥州

鹽州

五原

白池

南隋縣唐因之

內隋縣唐因之

南隋縣唐因之初屬夏州元和十五年改屬宥州

內宥州有二故宥州在鹽州東北三百里開元二十六年置亦曰寧朔郡至德二載改為懷德郡都督府乾元元年復為宥州領延恩懷德歸仁三縣後徙廢新宥州在故宥州東北三百里東去麟州六百里元和九年置領延恩縣十五年移夏州長澤縣來屬

西隋鹽州郡貞觀初置鹽州天寶初改五原郡乾元初仍曰鹽州領五原等縣二

南西隋縣貞觀初省後復置屬鹽州並為州治

內唐初置興寧縣屬鹽州景龍初改曰白池在今鹽池縣北

靈州

西隋靈武郡武德初改靈州置總管府尋改南都督府天寶初改靈武郡乾元初仍曰靈

州領迴樂等縣

迴樂

西隋縣唐因之並為州治

懷遠

西隋縣唐因之

保靜

西隋弘靜縣神龍初改安靜至德初改保靜

靈武

西隋縣唐移治於州西十八里在今靈武縣

警州

西隋靈武縣地先天二年置定遠城景福元年并為警州在今平羅縣

麟州

西隋銀城縣地開元中置麟州天寶元年曰新秦郡乾元元年仍曰麟州領新秦等三縣

新秦

西開元二年置後廢天寶元年復置並為州治在今神木縣北

連谷

銀城

勝州

榆林

河濱

豐州

九原

永豐

天德軍城

貞觀八年置屬勝州天寶元年改屬麟州

在今神木縣北

南東隋縣唐因之

隋榆林郡武德三年改勝州領榆林

等縣

隋縣唐因之

貞觀三年置在州南一百九十里黃河西

岸距河十五步

隋五原郡後入突厥貞觀四年於郡東北

置豐州都督府十一年廢二十二年復置

天寶元年改九原郡乾元元年仍曰豐州

領九原等縣

隋縣後廢永徽四年於州郭下置縣

隋縣後入突厥貞觀四年復置縣

隋大同城天寶中於其城東北置郡

安北都護府

中受降城

西受降城

東受降城

單于都護府

振武軍

宋金

中興府

西平府

北在天德軍城內領通濟陰山二縣

北漢五原郡地景龍二年築中受降城南直

北夏州八百里在今烏拉特旗西黃河北

北漢臨河縣地景龍二年築西受降城開元

中為河水所壞於城東別置在烏拉特旗

西北黃河北岸

北漢雲中郡地景龍二年置東受降城在今

北托克托縣

北隋定襄郡武德四年改雲州麟德三年改

北單于大都護府領金河縣

西夏國夏州

西唐懷遠縣宋初為懷遠鎮咸平中入西夏

西為興州後升中興府為西夏國都

西唐靈州宋咸平五年入西夏

南改西平府

靜州

西唐保靜縣西夏并為州

定州

西唐警州西夏改為定州

省窳城

西魏歷城郡地西夏築省窳城在今平羅縣東北鄂托克旗西黃河東岸

鹽州

西唐鹽州西夏因之

韋州

西漢胸衍縣地西夏置韋州在今鹽池縣南

洪州

西漢胸衍縣地西夏置洪州在今鹽池縣東南

夏州

西唐夏州西夏因之

宥州

西唐宥州西夏因之

龍州

西唐長澤縣地西夏置龍州今龍州城

勝州

西唐勝州西夏因之

金湯城

麟州新秦郡

府州水和郡

豐州寧豐郡

火山軍

豐州

東勝州

金肅州

在今保安縣西北

唐麟州宋乾德五年并建寧軍節度使屬

河東路領新秦縣一靖康初入西夏

唐銀城縣後唐置府州永安軍固升為節

度使宋初因之政和五年改榮和郡屬河

東路領府谷縣一靖康

初入西夏

唐麟州北嘉祐七年置豐州政和五年名

寧豐郡領塞二靖康初入西夏

太平興國七年置軍屬河東路治平四年

置火山縣後省金貞元元年置河曲縣在

今河曲縣東北

八十里

唐單于大都護府遼置豐州天德軍屬西京

道治富民縣金屬西京道

唐東受降城遼置東勝州武興軍屬西京

道領勝縣金屬西京路

在東勝州西今烏托特旗

雲內州

元

大同路

豐州

東勝州

雲內州

寧夏路

靈州

北 中受降城遼初置代北雲朔招討使改雲內州屬西京道領較服寧人二縣金屬西京道

中書陝西甘肅等省境

東 路屬有三州近河套

東 遼置州領富民縣元至元四年省縣州因

之屬大同路

東 遼置州領勝縣元至元四年省縣州因之

屬大同路

北 遼置州領柔服等二縣元省縣州因之屬

大同路

西 夏中興府至元八年立西夏中興等路

行省二十五年改寧夏路元貞元年改屬

甘肅行省

領靈州

西 夏西平府元復曰靈州

南

延安路

神木

府谷

南路屬葭州有二縣近河套

東宋新泰縣屬之神木塞元初置雲州屬延安路至元六年改縣屬葭州隸延安路

南東宋府谷縣至元二十三年以縣屬葭州隸延安路

河套吉囊部

榆林衛

寧夏衛

南成化六年置統千戶所五隸陝西都指揮使尋為重鎮統屬榆林邊三路塔堡

西元寧夏路洪武三年置府五年廢二十六年置衛隸陝西行都司又增前中左右後

五屯衛

為重鎮

東勝衛

東元東勝州明初建東勝左右二衛兵民耕牧河套水樂初徙廢後其地東屬俺答部

西屬吉囊部

延安府

南府屬有二縣近河套

可
卷三

神木

府谷

太原府

河曲

吉囊部落

俺答部落

瓦喇部落

清

東 元縣明初廢洪武十四年復置

南 元縣明因之

府屬有一縣近河套

東 金縣元廢洪武二年復置尋廢十四年又

置並徙即今河曲縣

內 明初榆林東勝等衛嘉靖中吉囊入居稱車且可汗有子七人分牧河套後屬插罕

是為鄂爾多斯

東 明初雲川衛地嘉靖中俺答入居稱都哩木可汗隆慶間歸明封順義王名其地曰

歸化土默特後為插罕所滅

北 元雲內州地明初為瓦喇據之即今烏拉特旗

歸綏道鄂爾多斯

榆林府

榆林

懷遠

神木

府谷

延安府

靖邊

定邊

寧夏府

明榆林衛雍正八年置府隸陝西省並置

延榆綏分巡道治

雍正八年於府郭下置縣後兼轄烏審旗

地

明榆林衛中路懷遠堡雍正九年置縣後

兼轄烏審旗地

東明縣屬葭州乾隆元年改屬榆林府後兼

轄郡王札薩克二旗地

東明縣屬葭州乾隆元年改屬榆林府後兼

轄準噶爾旗地

南府屬有二縣近河套

南明榆林衛西路靖邊營雍正二年設同知

廳九年置縣屬榆林府乾隆元年改屬延

安府後兼轄

烏審旗地

南明榆林衛西路定邊營雍正九年置縣屬

榆林府乾隆元年改屬延安府

西明寧夏衛雍正二年置府隸甘肅省兼轄

寧夏分巡道治

寧夏

寧朔

平羅

新渠

寶豐

靈州

寧靈廳

保德州

河曲

寧武府

西 雍正二年於府部下置縣

西 雍正二年於府部下置縣

西 明寧夏衛屬平虜所雍正二年改縣兼轄

西 雍正五年置乾隆三年省在今平羅

西 雍正七年置乾隆三年省在今平羅

西 明寧夏衛屬靈州所雍正二年改州

西 同治年置今金積縣

西 州屬有一縣近河套

東 明縣屬太原府雍正二年改屬保德州後

東 兼轄準噶爾旗地 府屬有一縣近河套

偏關

東漢武州縣地唐嵐谷宋偏頭塞元并為關明偏關所雍正三年改縣後兼轄準噶爾

歸綏道

地折道屬有二廳在套內三廳近河套

薩拉齊廳

東歸化土默特地乾隆九年置廳後兼轄達拉特旗地

托克托廳

東歸化土默特地乾隆九年置廳後兼轄準噶爾旗地

清水河廳

東同右

五原廳

內光緒年置寄治包頭鎮所轄河套抗錦達拉特及烏拉特等旗地

東勝廳

內光緒年置寄治包頭鎮所轄河套郡王扎薩準噶爾旗地

伊克昭盟

內伊克昭盟鄂爾多斯一部七旗游牧河套內除鄂托烏審二旗歸寧夏將軍節制其餘五旗均歸綏遠城將軍節制

左翼中旂

內 土語郡王扎薩克駐套內正中近東地名
七 教西喜峯順治六年封多羅郡王佐領十

左翼前旂

內 土語準噶爾扎薩克駐套內近東地名扎
拉谷順治六年封固山貝子佐領四十二

左翼後旂

內 土語達拉特扎薩克駐套內東近北地名
巴哈巴孫湖順治七年封固山貝子佐領

右翼中旂

內 土語鄂托克扎薩克駐套內正西近南地
十四 名西喇布里多池順治七年封多羅貝勒

右翼前旂

晉封郡王
內 土語烏審扎薩克駐套內中旂之東地名
三 巴哈池順治六年封固山貝子佐領四十

右翼後旂

內 土語杭錦扎薩克駐中旂東北地名鄂爾
吉虎泊順治六年封鎮國公佐領三十六

右翼前末旗

烏蘭察布盟

烏拉特中旗

烏拉特前旗

烏拉特後旗

歸化城土默特

康熙三十七年

晉封固山貝子

內 土語札薩克乾隆元年授札薩克初游牧於六旗之內佐領十三雍正九年封一等

台吉珊居於右翼前旗東北

盟有烏拉特一部三旗在黃河之北地近河套隸綏遠城將軍節制按烏拉特即明

瓦喇部落

北 土語中公順治五年封鎮國公佐領

十六

北 土語西公順治五年封鎮國公佐領

十二

北 土語東公順治五年封輔國公佐領

六

歸化土默特左右二旗在黃河之東近河套明俺答故地太宗復編左右二翼旗設

都統二乾隆二十八年以兩翼旗都統事務歸綏遠城將軍管轄

民國

土默特左翼旗

土默特右翼旗

套西厄魯特

阿拉善旗

綏遠道

薩拉齊

清水河

托克托

軍佐領三十

軍佐領三十

套西厄魯特部有阿拉善一旗地近河套
隸寧夏將軍管轄

西明邊外地清初曰套夷康熙三十六年封
多羅貝勒札薩克駐賀蘭山西佐領八乾隆二十二年晉封多羅郡王三十年晉封和碩親王

綏遠特別區

隸綏遠都統治歸綏縣道轄有五縣近河套

東清廳元年五月改縣

東清廳元年五月改縣

東清廳元年五月改縣

五原

東勝

雁門道

偏關

河曲

榆林道

榆林

神木

府谷

橫山

〔四〕清歷元年五月改縣二年知事王文煥由

包頭移治後套浸興長

〔四〕清歷元年五月改縣設治於套內羊場境

歷任知事尚假包頭知公

隸山西省所轄

有二縣近河套

〔四〕清縣民國因之

〔四〕清縣民國因之

隸陝西省所轄有六縣近河套

〔四〕清縣治榆林府郭下二年二月

裁府留縣

〔四〕清縣民國因之

〔四〕清縣民國因之

〔四〕清懷遠縣三年一月改曰

橫山縣

定邊

清縣民國因之

靖邊

清縣民國因之

寧夏道

隸甘肅省所轄
有大縣邊河套

寧夏

清縣治寧夏府郭下 二年四月
裁府留縣

寧朔

清縣治寧夏府郭下 二年四月
裁府留縣並移治滿城

平羅

清縣民國因之

靈武

清靈州二年四月改縣

鹽池

清靈州所屬花馬池分州 二年四月置縣

金積

清寧靈廳二左四月改金積縣

伊克昭盟

隸綏遠都統所轄鄂爾多斯一都七旗但
鄂托克馬審二旗舊歸寧夏護軍使節制

三年十月批令

隸綏遠

即左翼中旗

郡王

因 即左翼前旗

準噶尔

因 即左翼後旗

達拉特

因 即右翼中旗

鄂托克

因 即右翼前旗

烏審

因 即右翼後旗

杭錦

因 即右翼前末旗

扎薩

隸綏遠都統所轄有烏拉特三旗

烏蘭察布盟

近河套

北 即烏拉特中旗

中公

西公

東公

土默特部

左翼旗

右翼旗

西套蒙古

阿拉善

北 即烏拉特前旗

北 即烏拉特後旗

東 隸綏遠都統有左右二翼旗
近河套

東

河套以西有阿拉善厄魯特一旗隸寧夏
護軍使

西 民國三年十月制定民事歸寧夏道尹軍
事歸寧夏護軍使

按河套伊克昭盟鄂爾多斯一部七旗前清陸續放棄

所在即歸山西陝西甘肅沿邊各縣就近管理民國三

年綏遠都統蔡成勳呈請以鄂爾多斯全部各旗劃歸

綏遠特別區設官治理經國務會議決分行三省會同
綏遠都統派員劃界結至民國八年夏調查所至此項
界址尚未劃定故此表編制仍舊陳明

河套區域考

一、寧夏地區 寧夏在河套之西漢隸北地郡唐為懷遠縣屬靈州宋初置懷遠鎮咸平中入於西夏建為國都號曰興慶府又曰中興府元滅夏立西夏中興等路屬甘肅行省明初為寧夏府後改為衛屬陝西行都司中葉後套夷侵據東北一帶號查漢托護清初因之雍正二年置寧夏寧朔平羅三縣四年增置新渠寶豐二縣並屬寧夏府隸甘肅行省乾隆三年省新渠寶豐二縣併入平羅今為寧夏寧朔平羅三縣東與鄂爾多斯為鄰地理上蓋河套之附庸也其地西起賀蘭山之東麓東至黃河南起青銅峽北至石嘴山面積二萬方里地勢西南高東北低河水出青銅峽逕

河套區域考
卷四

向北流決渠引水其脈最順灌溉之利得天然形勢原係在內不
毛之地自漢武宣房塞後用事者引水溉田水利以興元和志所
謂賀蘭之東河之西有平田可引水灌溉即是處也

(二)後套地區 後套在前套之北南北兩河之間初華人出塞墾
荒先至河套轉輾外徙以先至之地為前套後至之地為後套如
今人言大青山之北為後山即此意漢隸朔方郡晉義熙後棄在
境外後魏為夏州北境隋置豐州後改為五原郡唐於河外築三
受降城此為中受降城地開元中移安北都護府於中城置屯田
自明嘉靖中為蒙古所據延及有清遂為鄂爾多斯之達拉特杭
錦二旗北境及烏拉特西公旗之南境乾隆以後山陝貧民日以

西漸租種蒙地人民漸衆至光緒朝始設五原廳今為五原縣隸綏遠特別區域設縣治於隆興長之北其地南起黃河北盡狼山東起烏拉山西至阿拉善東境面積約四萬方里地勢西南高東北低且多湖蕩決渠引水得自然之利土性粘軟審係晚近出水之地以理測之似經地震塌陷淪為水澤後北河斷絕水勢南趨河流迅捷地復涸出

三前套地區及治制 前套在後套之南寧夏之東黃河出塞至此成一大灣名曰河套即鄂爾多斯其沿革已略載於前篇沿革志茲不復贅南起邊牆東西北三面距河面積約二十九萬方里伊克昭盟一部七旗游牧之處北面有一小部分屬烏拉特旗初

本在河北後黃河改道始移在套內即今紅全灣是也地勢西部
多山嶺中部沙梁抵杭達兩旗地近黃河較為平緩然亦移沙積
如小山到處皆是廣志曰朔方郡北移沙七所或即此歟

自土默特同化後設治置官漢人漸入河套租地耕種自後明令
放墾初依地形之便由沿邊各縣管理如近邊牆屬河曲榆林府

谷懷遠

今曰橫山

靖邊等縣東北則屬薩拉齊清水河托克托等縣西

部則屬平羅縣光緒二十九年貽穀辦墾增設東勝五原二廳後
改為縣今綏遠都統蔡成勳上呈政府將伊克昭盟各蒙地均請
劃歸綏遠特別區域酌設縣治經國務會議決已於八年夏會
同陝甘各省委員勘界矣

伊克昭譯言大廟也其廟在達拉特營盤之東北今謂之王愛昭
鄂爾多斯七旗盟以是名然其盟所初無一定常隨盟主為轉移
其盟主由七旗公推再由中央政府任命之盟期亦不定常以三
九月為多正中近東為左翼中旗土語郡王一曰王子牧地東界
左翼前旗南神木縣邊外地西南右翼前旗西右翼前旗及右
翼後旗北左翼後旗東西距一百十五里南北距三百二十里亦
隋唐勝州地明嘉靖間為鄂爾多斯所據清初其濟農額林貝來
歸順治中封為多羅郡王世襲罔替今進封為親王札薩克名圖
布新濟爾噶勒其地屬東勝神木二縣

東南為左翼前旗土語準噶爾牧地東與北界黃河河外即歸化

土默特地南河曲府谷等縣邊外地西左翼中旗西北左翼後旗
東西距二百四十五里南北距二百十里本古榆林塞隋置榆林
郡唐屬勝州置河濱縣宋為西夏所據明初屬榆林左衛地嘉靖
間屬鄂爾多斯清順治中其台吉從額林臣來歸封固山貝子世
襲罔替今進封貝勒扎薩克名散濟密多布其地屬托克托東勝
河曲府谷等縣

東北為左翼後旗土語達拉特牧地東南左翼前旗南左翼中旗
西北右翼後旗北黃河河外即烏拉特及土默特地東西距二百
八十五里南北距一百五十里本漢沙南縣地隋唐勝州榆林郡
治所明嘉靖間地屬鄂爾多斯清順治中其台吉從額林臣來歸

封固山貝子世襲罔替今進封為貝勒加郡王銜領盟長扎薩克
名遜博爾巴圖其地屬五原縣

西方近南為右翼中旗上諾鄂托牧地東右翼前旗南鹽池縣邊
外地西黃河河外即寧夏及阿拉善諸地北右翼後旗東西距三
百二十里南北距四百八十里本漢朔方郡南境隋唐置豐州元
和中移置宥州於此明嘉靖間為鄂爾多斯所據清順治中其台
吉從額林臣來歸封多羅貝勒世襲罔替今進封郡王扎薩克名
噶勒藏魯拉木旺扎勒扎木蘇其地屬平羅縣

西南為右翼前旗上諾烏審牧地東左翼中旗及右翼前末旗南
橫山靖邊定邊等縣邊外地西右翼中旗北右翼後旗東西距一

百八十里南北距二百七十里隋唐夏勝二州地明初榆林右衛地後為鄂爾多斯所據清順治中其台吉從額林臣來歸封固山貝子世襲罔替今進封貝勒札薩克名特古斯阿木固即其地屬榆林橫山靖邊等縣

西北為右翼後旗土語抗錦讀如蓋牧地北及東北左翼後旗南右

翼前旗及右翼中旗西黃河河外即阿拉善地東西距一百八十里南北距一百六十里漢朔方郡地隋唐為豐州九原郡治明嘉靖間為鄂爾多斯所據清順治中其台吉從額林臣來歸封鎮國公康熙三十七年以從征噶爾丹魯封固山貝子世襲罔替今進封貝勒札薩克名阿勒坦瓦齊爾其地屬五原縣

依右翼前旗為右翼前末旗上諸加薩游牧六旗界內後於西翼
中劃撥牧地與之今東與北界左翼中旗南榆林縣邊外地西右
翼前旗東西距一百里南北距二百七十里定咱拉什本鄂爾多
斯三等台吉雍正九年以屢次從軍功晉一等台吉乾隆初議族
屬繁增旗一授札薩克世襲罔替今進封貝子領副盟長札薩克
名沙克都爾札布其地屬東勝神木二縣

每旗有甲克氣一秩一品最尊視札薩克如君若相也梅令章京
章京二字即將軍之譯音二秩二品如藩鎮然其下則為掌蓋掌蓋各旗不一

視地區之大小箭丁之衆寡分配然初亦有定制鄂托為最掌蓋
凡八十三次準噶爾凡四十五烏審四十二達拉特四十杭錦三

十七郡王二十四加薩最小凡十五七折共掌蓋二百八十有六
掌蓋者蒙古遊牧之隊長也。秩視五品。每一掌蓋又有一孔讀秩六
品副隊長也。其初編制一掌蓋凡轄五十丁。計在昔丁口不過三
萬人。今則人口消耗。有一掌蓋不及三四十人者矣。蓋蒙古女子
之生殖力甚弱。一母所懷胎珠不過一二。且蒙古定制。只以一子
承祧。即多子亦必皆作喇嘛。則蒙古人口之日漸消耗。殆有以也。

四三湖灣區域 河套之北包頭以西為烏拉特折地。以東為歸
化土默特折地。土默特早經開放。設治置官。與內地無異。且地勢
與河套亦無關係。本編不及詳備。其烏拉特兩境三湖灣一區。雖
在套外。而三湖河灌注其間。地理上蓋河套之附庸也。其地在

套之北。後套之東。黃河距其南。三湖河繞其北。故一曰大中灘。西起西山嘴。東至全巴兔。計面積約一千八百方里。地勢西高東下。土質腴肥。蓋河水之沖積層。灌溉需三湖河水。亦得天然之形勢。秦為九原郡地。漢五原郡。唐中受降城地。元屬大同路。明時為蒙古所據。名烏拉特。清初來歸。順治中授扎薩克。封鎮國輔國等公。分所部為前中後三旗。後旗在東。故一謂之東公中旗。曰中公前旗。在西。故謂西公。而三湖灣一區。仍為三旗公共之地。今屬五原縣。

河套内外古今長城及營堡關塞考

古長城 史記秦本紀魏築長城自鄭今陝西華州西濱洛以北有上郡

周顯王八年魏築長城塞固陽今包頭東按此段在套南為南北縱行之綫為秦魏兩國之界蘇

秦說魏襄王曰西有長城之界至顯王四十一年張儀相秦魏納上郡十五縣築

長城孟子所謂西喪地於秦七百里是也築長城即修葺塞固陽

之長城為禦狄禦秦計也又史記匈奴傳秦宣太后起兵伐殘義

渠於是有所隴西今甘肅鞏昌北地今甘肅上郡今陝西綏德以上築長

城以拒胡按此段在套南與今匈奴傳又言趙武靈王北破胡林

樓煩今崞嵐之北築長城自代並陰山下至高闕為塞按此段在

秦滅六國始皇帝使蒙恬將十萬之眾北擊胡悉收河南地因河

為塞築三十四縣因邊山險澗谿谷可繕者治之起臨洮今甘肅岷縣

至遼東今山海關又度河據陽山北假中按此段包河套全境地望全與今長城不同自

岷州沿洮水渡黃河並賀蘭山而北至高闕是為南北縱行之綫復由高闕與趙所築之長城相接東經烏拉特折而至歸綏是為

東西橫行之綫

漢武帝元朔二年衛青等擊取匈奴河南地築朔方復繕秦時所為塞因河為固魏明元帝泰常八年二月築長城於長川

之南起自赤城今甘肅崇信縣西至五原延袤二千餘里按此段由套西南抵套東北至

盛樂之北白道之南太武帝太平真君七年五月發司幽定冀四州十萬人

築城上塞圍起上谷西至河廣袤皆千里按此段由套東南黃河之濱東迤至直隸薊縣

今燕晉北境兩套重北齊築長城三其於套東南相接者有二一

城疑即託始於此自黃堎嶺北至社平戍四百餘里立三十六戍通鑑注此長城起於唐石州北抵武

境州之一自西河總秦成東至於海隋文帝開皇元年發稽胡修築

長城五年使司農少卿崔仲方發丁十三萬於朔方靈武築長城

東距黃河西至綏川南至勃出嶺歷七百里按此段在套南由甘肅靈州境行東迤至

陝西綏德與今長城成並綫六年二月復令崔仲方發丁十五萬於朔方以東

緣邊險要築數十城七年發丁男十萬人修長城大業三年七月

發丁男百餘萬築長城西踰榆林今包頭對東至紫河今圖二兩根

此段由包頭而東批歸綏附近四年七月發丁男二千餘萬築長城自榆林谷

此各榆谷非套內之榆林也在甘肅岷縣即秦之臨洮為秦長城之起點處而東按此段由臨洮

城與北魏已築之城相接而東北迤至赤

今長城今套南陝北之長城乃前明成化間余子俊所築名曰

邊牆復墮湮谷謂之夾道初正統中賊入河套擾邊特敕右府都督王正鎮始築榆林城及沿邊塞堡墩台以控制之成化七年巡撫王銳奏置榆林衛八年巡撫余子俊築天邊城東自延綏黃南川北距河西至寧夏紅山堡下至黃河四十里十年子俊奏脩

邊牆之數東自清水營紫城寨西至寧夏花馬池營界牌止九脩

城堡二十二座榆林城南一截舊有北一截創修安邊營及建安

常樂把都河永濟安邊新興石滂池三山馬跑泉八堡俱創置禦

水鎮靖二堡俱移置九修邊牆東西長一千七百七十里一百二

十三步守護壕牆崖砦八百一十九座守護壕牆小墩七十八座

邊墩一十五座弘治間總制秦鏞築二邊城北為河套東至黃南

川西過乾澗又西過徐斌水又西過青沙峴又西過靖邊衛又西
過花兒岔及後大邊城至橫城堡側復數入總制楊一清於西距
河東接大邊城築新城凡四十餘里後大邊城清水至定邊營一
帶賊復數入總制王瓊於西距乾澗乾澗北過定邊又西過花馬
池北又西過興武營凡接新邊城築二百三十餘里後花馬池定
邊營地鹹城壞賊復數入總制唐龍改築城四十餘里後乾澗乾
澗賊復數入總制劉天和於北起乾澗南過乾澗接二邊城築六
十餘里總三百里統新大邊城又總制楊守禮初修邊牆四十里
北皆為阿套蓋明自正統後套南邊城歷代增築而套東燕晉境
內之長城則就魏隋舊址重加修葺而偏關寧夏間之長城連墩

勾堡延袤近二千里實為余子俊所創造

營堡關塞

(甲)甘肅寧夏道所屬沿河套南邊城堡

鹽池縣 即花馬池

橫城堡 寧夏河東首堡在靈州東北七十里城周二里河套之

長城西北角自此始為重要隘口迤東南三十里踰馬鞍山為紅

山堡

紅山堡 在靈州東北六十五里北至邊牆閘門一里城周二里

為極衝要之地南五十里則至清水堡

清水營堡 在靈州東八十里北去邊牆閘門一里城不寬而夷

敵在其北明於此撫套去今互市之地有泉甘冽明嘉靖間總制
劉天和言套人出入必飲馬於此向東南至毛卜喇堡四十里又
三十里至興武營

興武營閘門 在靈州東北一百四十里寧夏之中路營也北列
長城基址剝落不堪保障迤東南則至安定堡

安定營閘門 在靈州東北二百里城同黑子閘門在北外即河
套過此則高平堡又三十里則至花馬池營

花馬池營 古鹽州地寧夏之東路營也甘肅寧夏道至此止過
此即陝西榆林所屬定邊縣城北六十里為長城關溝疊長五十
里關上有樓高登雄壯下設閘門外立市場漢番交易月三次地

勢漫衍遙望平川北騎闖入易於駐定明總制常駐於此其為重
地視他營千萬焉南有鐵柱泉自邊外一獨此有泉水往者志記
此最多自築城環水其中又築梁家泉等堡重關疊險而都境皆
安自城而東南三十里則至榆林道屬鹽場堡

(乙) 陝西榆林道所屬沿河套南邊城堡

定邊縣 即定邊營

鹽場堡 榆牟之錯繡地也堡有鹽池周三里許中有井灌水其
中懸宿成鹽故堡名鹽場東四十里至定邊營

定邊營 秦時北地郡隋因其地近鹽池置鹽池郡唐為五原郡
置都督府石灣池堡在南一百里邊牆在北五十步東五十里至

磚井堡

磚井堡 古有井而以磚甃之堡南有冢嶺俗呼南梁山折都古
城在寨內堡東北五十里為漢代用兵之地北一里為邊牆東五
十里至安邊營

舊安邊營 宋之鹽州地也俗謂之深井明初置城余子俊改尋

新營於中山坡北至邊牆六十餘里後巡撫王倫以舊營切近大

邊東連寧塞西接磚井比之昔年孤懸者不同乃復守此營南至

新安邊六十里北至大邊一里東南四十里至柳樹湖堡

靖邊縣即靖邊營

寧塞堡 古之枹枹城也西南有把都河堡河之北有蓮華山順

平川金湯川鶯窩山河之南有翠峽山祈村山亭礎存焉皆希文
范公之遺蹟也東四十五里至靖邊營

靖邊營 宋之兀剌城即保安軍也延安縣在其南長城並列於
北東西有哨馬營而南之黃花城以及收麥城范老關皆文正公
所經營者東四十里至鎮魯堡

鎮魯堡 即鎮虜堡今名鎮羅堡宋之夏州地也明初未嘗有堡
因鎮靖靖邊東西遼澗而置堡適中城小而當要害堡周三百有
七丈北至大邊半里東四十里至鎮靖堡

鎮靖堡 即白塔澗也南有蘆關延水出焉南至延安三百里北
至邊二里東四十里至龍州城

龍州城 漢之龍州地宋之石堡塞也范文正公於此置馬營境
有龍州關北近邊牆南為延安城乃延境首衝城南有宜家畔慌
忽都河乃無定河之上流也東三十里至清平堡

橫山縣 清為懷遠縣 即懷遠堡

清平堡 漢之白土縣地也舊名磚營兜堡在山原而城外之沙
常臨車騎距邊甚遠東四十里至威武堡

威武堡 即響鈴塔也北有威武關南有款青原為武襄駐兵之
所堡依山阻險東四十里至懷遠堡

懷遠堡 即白家梁也梁在山嶺城如黑子明移土門軍守此山
下苦水川合圓水而東乃無定河也東四十里至波羅堡

波羅堡 因有波羅寺故名依山築城南通綏德北跨馬鞍東控
上門西引三捷東南四十里至響水堡

響水堡 漢之圓陰地也堡近黑河東連歸德南通魚河綏德在
其西南榆林出其西北唯北距邊牆較遠緩急難恃東北四十里
至保寧堡

榆林縣 即榆林衛

保寧堡 古梁城也西接榆溪東引響水魚河直其南紅水通於
北切近長城大川口版築雖堅而風沙特甚堡向為水澤之區迺
來瀦水漸涸馬無所飲東北則紅山寺東三十里至榆林衛
榆林衛 明為榆林衛榆溪舊塞也春秋時屬白狄地秦屬上郡

漢為雲中九原地。隋為榆林郡地。歷代無所建置。明失東勝而守綏德。比其出哨水頭耳。東倚駝山。西限榆溪。北距邊牆。南引銀州。其城三面憑山。一面臨水。可謂天險。然東南山阜參差。林木隱蔽。沙峯置樓。則高興城埽。攻擊可虞。其海潮寺逼居城下。掘地可虞。城南一百四十里為銀州關。即古銀州地。榆溪無定。二水皆南流。至銀州關而合。南至歸德堡四十里。東至常樂堡四十里。北十里至紅山寺。

紅山寺為漢夷互市處。始於明隆慶。迄今未已。市口有城。開市有定期。貨物有禁。制爛泥灣在市外。鎮軍採草處。明季套夷住牧。東四十里則至常樂堡。

常樂堡 漢之榆溪也。舊堡在南沙磧，無水。弘治間移至今山兜河。
即今堡焉。西接榆林，東即雙山。葭州在其南邊，圍當其北。塞外飛
芻踰垣而入。雖有樟水，淺不可陞。堡南鴛鴦河水，草大善，鎮之芻
草咸賴焉。東南四十里，則至雙山堡。

雙山堡 漢之真鄉縣地也。初築堡於水地灣，成化中移至今堡。
堡在山岡，有險可守。南接葭州，而府谷吳堡亦皆密邇。而大川當
水脂之衝，則北門鎖鑰。長塹在北，依山阜，而少風沙。邊外邵家梁
美地佳草，皆為套。委住牧，東南四十里，至建安堡。

葭縣 舊葭州

建安堡 漢之固陽縣地也。古未有堡。余子俊始建。今堡南有建

安關南直接黃河北限陞塞堡在山畔然指甕山之北水貫邊而入
經堡南為堯尾河自堡上而東因阜交錯蜿蜒四百餘里東路之固
固在險也四十里至高家堡

高家堡 唐之豐州地宋之飛鴉州也堡在平原南葭州北限陞

陞萬戶塔在南趙保吉之眾從此犯麟州 即今水 幽陵在北唐開

元中所置南有獨勒川眾水所會也東四十里至相林堡

神木縣

相林堡 唐之麟州地也因其地多產柏以名堡從未有風塵之
警得山原地利之勝南跨黃河北距塹壘而塹外之狀波窻把澤
波窻淪為異域久矣雖有野澤之水曾不濡馬足東四十里至大

相油堡

大相油堡 唐之麟州地也堡在山嶺水環城外寇竄交攻而相

安於無事非河山之助耶南黃河而北長城與相林堡同南四十

里至神木縣

神木縣 漢之光祿塞魏之朔州隋之豐州宋之神木塞地也明

因宋而為縣城在平原南界黃河北距市口河口堡則水濱之捍

衛也秦漢唐之郡縣皆湮於套中而塞外之衆彘相與互市同於

紅山南四十里至水興堡

水興堡 隋之連塔縣地唐之麟州郡地也宋亦謂之黑城南近

黃河北連長整明時套彘侵犯而堡獨存者在山原以險為固也

宋欲廢州為塞且欲棄之歐陽修曰城堡堅完地勢高峻天設之
奇險可守而不可攻其至黃河府州各百餘里不可棄也東四十
里至鎮羌堡

府谷縣

鎮羌堡 唐之麟州地明初守東村繼而移堡於此西抵府谷北
繞長城堡在山原百年無兵戈東南四十里至孤山堡

孤山堡 即孤圪塔營也南接府谷北限長城與鎮羌同焉東南
四十里至木瓜園

木瓜園堡 唐之勝州地也東路城堡獨木瓜園置於後府谷在
南而近長城在北而遙奔走守望何以不勞堡有山巔城小而荒

東三十里至清水營

清水營 唐之勝州地宋以屬府州西南府谷東北長城明初以黃甫川而屬於營長邊盡於營之紫城塞踰河則山西界全秦之邊盡於是矣清水城在山坡當極衝之地東南十五里至黃甫川堡

黃甫川堡 唐之勝州宋之府州地也明初隸於清水而開闢置戍焉城在山畔東瀕黃河南隣府谷北近長城西北清水一河之隔即岢嵐之樓子營也黃河從東勝州抑而南流實為天塹然冬寒冰合萬馬可渡故延綏他堡只防套夷唯此堡則防他寇焉小堡互市同於紅山北邊在北二十里清水營在西北十五里岢嵐

堡乃唐家會渡直達偏頭關又東渡河逼近殺虎口

甘肅寧夏鎮所屬六堡共五百里 陝西榆林所屬三十一堡共

一千一百二十里此皆河套之南邊北抵黃河有三四百里者有

八九百里者雖寬窄不等大畧河套內地周圍約有五千餘里因

明築榆林邊將內地城郭州縣六十餘處俱湮沒於套矣

(丙) 山西省沿河套邊營堡

河曲縣

石梯隘口 東枕高岡西臨黃河全晉長城蓋始於此越河則陝

西延綏清水營

河會營 明萬自約記自河會至河曲營城三十里南至石梯隘

口三十里河會以北二里為下營又西北十五里為唐家會此地
平坦無險涉河抵黃甫川僅三十里河開則險在水河凍則鎮守
標兵及東西二路偏老馬站諸營士卒共防範焉

唐家會堡 明正統間建秦邊紀黃甫川之苛嵐堡東南至灰溝
營唐家會渡河直達偏頭關弘治十七年火節自七里溝入至唐
家會

灰溝營 營周三里有奇明宣德間建以上故名萬曆整砮磚改名
河堡營即今河曲縣治

樓子營 明宣德間建去偏頭關七十餘里弘治十五年都御史
史琳言宜儲餉以備客兵請城之詔可秦邊紀黃甫川一河之隔

奇嵐之樓子營也

偏關縣

擇林堡 北距關河口明成化間建防守一軍二百隸偏關提兵
營

偏頭關 東連丁角山西連黃河隔河套一水雍正三年改偏頭
所為偏關縣同城為偏頭營

萬家寨 偏關西北四十五里巨石巖下臨河岸昔人結寨其
上

東長嘴 偏關北五十里東西石嘴延袤五六里河經其中

老牛灣堡 東至滑石澗堡二十里西至黃河二十里南至擇林

堡八十二里北至邊牆一里首當西北之衝

滑石澗堡隸水泉營自老營丁角墩起西至滑石澗水門墩止為垣九

十里有奇整如之

水門溝口 滑石澗東上有敵樓下有湧泉稱險隘焉

驢皮窰口 徑道並衍昔為邊衝而兩崖夙口奇以制勝

草塚山堡隸水泉營堡突出崇山直望三十餘里為沿邊傳燈之首

水泉營堡 水泉營在堡之城東少南為紅門附口外少南有南海

子堡城西南有海子

紅門市口堡 東西至邊牆南至水泉營堡北至蒙古地界明三

關鎮市場在水泉營隸奇嵐道順義王諸部互市於此先設宴邊

外有閘三曰中曰左曰右馬由此入臨邊有閘一曰內閘馬由此
登數入境表一十三丈臺上有納款廳撫賞於此以銀一萬兩宴
餽一萬兩撫賞諸部四萬兩市馬馬以六千為率價以一十二兩
為率互市日尙嵐道提調監督雁平寧武兩道協理之鎮守總兵
官副將統兵彈壓西路叅將理市事正兵營軍二千一駐老營堡
一駐八柳樹馬站游兵營軍駐滑石澗小營兒獅子坪叅將營軍
駐馬站堡

老營了角墩 二邊起老營了角墩領堡四

山西沿河套邊牆明成化二年總兵王璽築東起老營堡了角
墩西抵老牛灣南折黃河岸抵河曲石梯隘口袤二百四十餘里

Faint vertical text columns, likely bleed-through from the reverse side of the page. The text is illegible due to fading and low contrast.

河套黃河及諸水考

甲黃河

由青銅峽起向北偏東逕橫城堡。河套黃河自青銅峽始。峽為
兩山對峙。河出其下。峽口左岸山坡有古塔一百八座。不知所始。
通誌圖作天門陣。今俗稱百八塔。塔近東河邊。有釐捐局一所。唐
來渠即由此決出。西北溉寧朔寧夏平羅等縣地。其右岸決為秦
漢二渠。東北溉金積靈武等縣地。河水出峽北注。枝分二派。右派
過金積縣西曰東河。左派過寧朔縣東南曰西河。兩河所決之地
曰馬家灘。西河自唐渠口又北少東。過唐堤堡。東左岸決為大清
渠。又北少東。決為漢廷渠。又北少東。曲屈流過漢堤堡。東又東北

左岸冲為惠農津又東入寧夏縣界又北至葦井堡與東河合又
北少東右岸入靈武縣界過靈武縣北山水河出環縣仙城驛西
北經鎮戎縣界至紅古窰由來入之水道提綱所謂洛浦河是也
河水又北少東過橫城保北河長凡一百八十里西至寧夏縣治
三十五里

按水經云又北過北地富平縣西注云河側有兩山相對河出
其間即上河峽也世謂之青山峽河水厯峽北注枝分東出又
北逕富平縣西又北薄骨律鎮城在河渚上河水又逕興農城
東世謂之胡城又北逕上河城東世謂之漢城又東北逕應時
故城東又北與枝津合蓋富平縣即靈州今靈武縣在河東青

山峽即今之青銅峽與農城上河流域康縣故城均應在河西寧夏寧朔二縣南境今無跡可查

又北偏東逕溜山子西河水過橫城堡又東出長城有托蘇因河入邊復出邊西北流注之又北右岸入鄂爾多斯鄂托克旗界又北少東左岸決為昌潤渠又北過溜山子西河長凡七十里西南距寧夏縣治七十里

按水經注云河水又東北逕渾懷障西地理志渾懷都尉治塞外南去北地三百里攷北地郡前漢治馬嶺故城今慶陽縣西此按此渾懷障當在長城以北黃河之東溜山子附近

又北偏東逕紅崖子西河水過溜山子又北左岸入平羅縣界

過昌澗渠舊口又北過穿渠口河中洲者叢生又北過六中堡東
黃河西去平羅縣治二十里又東北過東水惠堡南河道屈曲迤
徙無常右岸沙梁或遠或近視河道之曲折為轉移岸邊小淤地
已墾又東左岸過河溝西渠又北少東過河溝官渠又北少東過
紅崖子西河長凡一百八十里紅崖子當黃河右岸壁立河畔崖
石作紅色每當晚陽斜照紅光耀射遠見數十里故名

按水經注云河水又東北歷石崖山西去北地五百里山石之
上自然有文畫若虎馬之狀粲然成著類以圖焉故亦謂之畫
石山也攷石崖山即省憲山在寧夏府治東北一百四十里黃
河東岸今紅崖子西北有省憲堡疑紅崖子即省憲山石崖畫

石皆古名惟山石之上畫文不見想因年遠為風沙剝落矣

又北逕石嘴子東河水過紅崖子又北右岸苦水河由東南來

注之水道提綱大小托蘇圖河合注博木池自東南來注之即此

又西北左岸各渠溉地餘水滙於西河自西來入之河水又北過

石嘴子西河長凡七十里石嘴山在黃河左岸東臨黃河崖石突

出如嘴故名右岸山脈亦逼近黃河均有炭礦又產鐵計由青銅

峽起至石嘴山方向為北偏東約十五里河長凡五百里左岸為

寧朔寧夏並羅等縣地右岸自長城以內為金積堡武等縣地長

城以外為鄂托克旗地青銅峽石嘴山為河水宣節主要關鍵故

寧夏水利獨占天然之形勢

又北偏西逕金山西 河水過石嘴山又北左岸入阿拉善界
河行於兩山之間號曰石河亦稱曰石峽子歷螞蝗溝迴水窩跑
馬崖北連子灣魚籃子沙七家礦頭道坎二子店淌腰沙浪毛沙
二道坎至脖子沙三道坎至牛家溝等十四處或為懸崖或為礦
嘴或為暗沙或為洞坎形狀不一極為險隘至牛家溝以北左岸
山勢始西轉地面漸平有廢渠一道渠底已故亂石塞滿黃河中
有小灘長約一里業生紅柳河面漸寬又北烏蘭木堵又北週金
山西河長凡一百二十里金山在黃河右岸蒙古名哈他拉拉峰
頂尖銳遠見百餘里附近又有桌子山喀喇山等山

按水道提綱云又經阿布山色而綱喀喇山西麓按即此

又北偏西邊磴口北河水過金山西繞山麓二十餘里又北右
岸察漢托珍有蒙古包一所又北右岸王元地貼穀任內所放墾
者又北過貝子地東其右岸三十里鄂博皆連山地左岸明沙寸
草不生近河小灘已墾然由積甚少又北過磴口河長凡一百二
十里

又北偏東邊烏拉河口河水過磴口又北河中有洲名曰中灘
長約二十里又北過傅家灣其右岸河羅套海又東北過金三廟
沙梁漸遠其右岸陶斯兔又東北過三聖堂東歷小梁五道天主
教民所開地亦教民種之又東北過沙圪堵歷毛老漢渡又東北
過渡口空其右岸老畔召入抗錦旗界山脈東轉又北烏拉河口

其右岸克克木塔地勢平曠惜黃河水平線較低未能引水灌溉
故荒蕪未墾河長凡二百里計由石嘴山起至烏拉河口方向為
北偏東約十一度河長四百四十里其左岸為阿拉善地右岸為
鄂托克及杭錦二旗地由金山以上河底亂石壘洶傾斜峻急水
流如奔金山以下勢稍緩又自磴口至老畔各左岸已墾地不少
右岸河崖高出水面數丈河底壘砂水色灰黑

按水經云又北過朔方臨戎縣西注云河水東北遶三封縣故

城東在臨戎縣西一百四十里河水又北遶臨戎縣故城西又

北有枝渠東出謂之銅口東遶沃野縣故城南枝渠東注以溉

田所謂智通在戎亥河水又北屈南河出焉即今河水又北迤

河

河水又北迤

西溢於爾澤野故城東

即今之烏拉河

查河水自烏拉河口以上無大

變史三封野故城當在河西阿拉善旗界及寧夏北境爾澤野

故城應在烏拉河西北騰格里湖阿拉善與抗錦交界處臨城

故城似在河東鄂托克界沃野故城及銅口枝渠亦應在河東

惟是黃河出塞而後北流七八百里東岸鄂托克西境皆山脈

綿亘無枝渠可通故後魏薄骨律鎮將刁雍上表論漕運曰臣

鎮去沃野八百里又云穀在河西轉運至沃野須越渡大河是

沃野應在河東去薄骨律鎮八百里按今地理推之當在克克

木塔以下抗錦界內惜在遠年湮淪桑幾變唐宋以降淪為胡

人游牧之區吉跡蕩然無可尋攷銅口枝渠已適竟不知其詳

左岸

又東偏北遠義和渠口上城子南河水過烏拉河入杭錦折地

東北流左岸過揚家河口又東北過黃圖拉家河口又東歷籃鋪

通渠經金渠十大古渠魏羊渠其右岸紅水駟又東少北過強家

渠其右岸查漢庫倫又東少北歷土默渠吳祥渠戶口地渠剛目

渠過黃家濠渡口歷協成渠又東天吉大渠又東過馬兒免渡口

又東歷灶火渠黃家渠河水至此枝分二派南派較咸北派行得

就淤又東歷郭家渠阿善渠沙河渠均從北派決出又東上忠德

成興南派合而東流少北過義和渠口上城子南其右岸二皮子

河頭河長凡三百五里北去五原縣治七十里

又東偏南逕西山嘴河水過土城子屈向東流少南歷老郭渠
長勝渠塔布渠又東少南屈曲流過同心堂渡口其右岸城諸爾
又東少南歷洋人渠達拉渠又東南入達拉特折界又東過西山
嘴西其右岸大仙廟河長凡一百五十里計由烏拉河起至西
山嘴方向為東偏北約十度河長凡四百五十五里由惠德成以
下百餘里間河流枝分如織所在淺灘號曰波河舟行苦之西山
嘴當古大河分而復合之處為後套三湖灣二區宜節水量重要

關鍵

按水經注云河水又北屈南河出焉南河上承西河東逕臨成
縣故城北又東逕臨河縣南又東逕廣牧縣故城北逕流二百

許里東會於河查即今烏拉河口至西山嘴之河道古南河是也又按水經注云河水又北迤西溢於麻渾縣故城東其水積而為屠申澤河水又屈而東流為北河東逕高廟南又東逕臨河縣故城北又東逕陽山南東流逕石跡阜西南屈逕河目縣又南與南河合查即今五加河其下游已於道光中淤斷與沃河不通矣屠申澤即騰格里泊已成陸地五加河即古北河也又屈東逕昭君城北河水過西山嘴屈向南流少東左入烏拉特旗界三湖河出焉又南少東右岸名六分子有小渠一道下至古欽台長約三十里達拉特旗所開又東大木蘇台其右岸設蓋外有布爾哈蘇台河源出察罕陀羅海岡自南來入之又東喀喇

河坤兌河坎泰河均從南來入之。又東入烏拉特新界右岸有淤河。俗曰大河。相傳為黃河故道。後黃河北徙。此派遂淤。又東過昭君坡北左岸。三湖灣。壑地俱賴以灌溉。蓋黃河之支津也。河長凡二百六十里。

按水經注云。河水又東南逕朔方縣故城東北。又東轉逕渠搜縣故城北。又東逕西安陽縣故城南。又東逕薛田城南。又東逕成宜縣故城南。又東逕原亭縣城。又東逕宜梁縣之故城南。又東逕稠陽城南。河陰縣故城北。又東逕九原縣故城南。又東枝一津出焉。查即西山嘴至昭君坡之河道北岸。三湖灣其北有烏

拉西公府南岸鄂爾多斯即前套移沙所積古跡蕩然無所查
考矣

又屈東逕南海子 河水過昭君坟屈東南過召灣又東坤都倫
河從北來注之又東過紅全灣入薩拉齊縣界左岸土默特故地
又東過南海子南北去包頭十五里包頭即巴爾朱罕城也河水
又東與淤河合河長凡九十五里計由西山嘴起至南海子方向
東偏南約四度河長凡三百三十五里底質惟昭君坟下有石餘
皆泥沙

按水經注云河水又東枝津出焉又東石門水南注之河水又
東逕朔陽縣故城南又東南枝津注焉水承大河於臨沃縣東

流七十里北澁田南北二十里注於河查即昭君塚至南海子
以南古河在南即今澁河現時河道古棣津也北澁田即紅金
灣一帶今村墟錯落樹木森森大有內地景象其地為烏拉特
東公旗攷烏拉特與鄂爾多斯原以河為界今河南有烏拉地
可知河道改移向北年尚不遠石門水即今坤都倫河入河處
伏流山洪暴發乃通流然上游泉水湧湧土人引以澁地
又東偏南過河口鎮南河水過南海子屈向東南過水來宮北
又東北過古城灣又東南二忙渡口右岸連拉特旗地北距薩拉
齊縣治三十里又東南楊家河頭右岸入準噶爾旗界虎斯台川
自東南來注之入托克托縣境又東少南右岸過十二連城山脈

逼近河沿又東南過河口鎮而左岸大黑河來注之蒙古名伊克
土爾根入河處北去托克托縣治五里河長凡三百里寸向為東
偏南約二十三度

按水經注云大河東經咸陽縣故城南屈而流白渠水注之白
渠水又西北過沙陵縣故城南西注沙陵湖芒干水又西南注
沙陵湖湖水西南入於河查沙陵湖今名登山湖在托克托縣
治近西白渠水即大黑河之南派芒干水即大黑河之北派托
克托縣治倚山有舊托托城在山上

又東南至河曲縣西河水過河口鎮而流少東入山峽卷龍下
灣右岸入清水河縣境左有小水自西南來入之又屈西南流懸

喇嘛灣又南左岸清水河合紅水河來注之字古名烏藍木倫河
一河水又南入偏關縣境又西南又南過老牛灣又南至河曲縣西
入塞河長二百三十五里方向為南偏東約十二度河行兩山之
間下至保德可通輕舟

按水經注云河水南入積陵縣西北緣胡山陁沙南縣東北兩
山二縣之間而出者即今河口以下之河道又云河水於二縣
之間濟有君子之名魏桓帝幸榆中東行代地洛陽大寶齋金
貨隨帝後行夜迷失道往投津長日子封送之渡河費人卒死
津長埋之其子尋求父喪發塚舉尸資囊一無所損其子悉以
金與之津長不受事聞於帝帝曰君子也即名其津為君子津

查即湖灘河湖渡口今日龍不灣又云河水又南左合一水西
流注於河河水又南樹賴水注之查即今清水河

河套黃河計自青銅峽起過橫城堡出塞歷石嘴山磴口烏拉河
口西山嘴昭君墳南海子河口鎮等處至河曲縣西入塞河道成
一弓形共長二千二百八十五里

(乙)賀蘭山麓寧夏諸水及寧夏河東之山水河

西河 源出寧夏河西塞至平羅縣北長凡三百五十里蓋清唐
漢惠諸渠溉地餘水洩於湖群湖之水則滙而洩於西河由西
河入於黃河

高台寺湖 在寧夏東十五里又東五里有沙湖又箕湖在縣中

南三十五里

月湖 在寧夏縣北三十五里以形似名

金波湖 在寧夏縣東北清陽門外沿岸垂柳蔽日中有芟河為

一方之勝

三塔湖 在寧夏縣東北三十里

千金波湖 在寧夏縣南元和志在靈武縣北四十二里長五十

里濶十里

觀音湖 在寧州西九十三里乃賀蘭山水聚於山下大水口成

湖

長湖 在寧州縣南十五里

蒲草溝 在平羅縣西北二百里明弘治十一年制及王越分兵

討賀蘭山後叛寇北哨擊賊於花果園南哨至蒲草溝賊從沙

窩遁去合兵追至大把都城又賊追之於柳溝兜寇遂西遁

大鹽池 在寧夏西北四百里小鹽池在南七十里其鹽皆不假

人力自然凝結按大鹽池即古蘭秦鹽池在賀蘭山西阿拉善

境小鹽池即花鳥池在黃河東今鹽池縣境

山水河 在靈武縣源出環縣仙城即西北流經鎮戎縣至紅古

窟入黃河水道提綱洛浦河即此

兩河套鄂爾多斯諸水

庫魯爾黑河 在鄂旗西南二百三十里源出庫魯爾泉南流入

邊又西北出邊入河明統志黑水河在寧夏衛城東舊名哈喇兀達西流注於黃河

托蘇圖河 小托蘇圖河蒙古名巴哈托蘇圖在鄂折西五十里

源出巴歡泉西北流會大托蘇圖河蒙古名伊克托蘇圖在鄂

折西北一百里源出布海扎喇克之地合注博木池西流入黃

河水道提綱大小托蘇圖河合注博木池自東南注於河即此

車根木倫河 在達折西北三百七十里源出撒爾齊喇之地東

流入黃河

烏爾巴齊河 在達折西北三百十里源出平地東流入黃河

黑河 在達折西北二百五十里蒙古名伊克土爾根源出虎

河
新
編
卷
六

冒頓之地東流至烏拉穆爾入黃河又有小黑河在旗西二百四十里東流入黃河

兔毛河 在達旗西一百二十里蒙古陶賴崑克源出敖榮連木

西北流入黃河

柳河 在達旗西一百一十里蒙古布爾哈蘇台源出察漢拖

羅海岡北流入黃河

喀賴河 在達旗西五十里源出朱爾漢虎都克北流入黃河

西都喇虎河 在達旗西三十五里源出五烈泉東北流入黃河

坎台河 在達旗東十二里源出布木巴魯東北流入黃河

虎蘇台河 在達旗東北與準旗分界處源出準旗南西北流入

黃河

崑崙河 在準旂東北七十里蒙古名伊克崑崙源出平地東南

流入黃河又旂東南八十里有小崑崙河蒙古名巴哈崑崙東

南流入黃河

布林河 在準旂東八十里源出查木哈克泉東南流入黃河

塔爾音爾河 在準旂東七十里源出噶克義昌頓東流入黃河

哈岱河 在準旂東南八十五里源出賀爾博金坡南平地東南

流入黃河

芥河 在準旂東二十五里蒙古名伊克西喇爾几台源出杜爾

伯特拜金坡東平地南流入邊城為府谷之清水川

小芥河 在準旂東五十五里蒙古名巴哈西喇爾台源出得勒
蘇台坡南平地西南流會芥河

克丑河 在準旂東五里源出噶克義冒頓東平地東南會芥河

西河 在準旂南三十里源出科爾口東流會芥河

葦爾圖河 在準旂南四十里源出古爾板多博坡南平地南入

邊城

獐河 在準旂西南一百二十里蒙古名西爾哈源出常樂堡合

胡芦海南流入紅石峽

博羅哈爾几圖河 在準旂西南一百四十里源出平地南流入

邊城按此及獐河即府谷之九股水也

布喀河 在準旂西三十四里源出博羅巴爾哈東平地西南流

會紫河

陀索圖河 在準旂西六十里源出得勒蘇台坡西平地南流會

布哈河

舒貴河 在準旂西八十里源出翁公坡南平地南流會布喀河

紫河 在郡旂東二十五里蒙古名烏蘭木倫源出台石坡西平

地西南流入邊城

鱒額爾吉河 在郡旂東六十二里源出鱒額爾吉坡南平地西

南流會哈楚爾河

哈楚爾河 在郡旂東五十八里源出哈楚爾坡西平地西南流

會紫河入神木縣為屈野河

上稍兜河 在烏審東南一百四十里源出鯨希里都南流入邊城

席伯爾河 在烏審南九十里源出蟒哈圖虎爾虎之地南流會西克且河入邊城為榆林之榆溪

阿爾塞河 在烏審南一百七十里源出恩多爾拜山南平地西南流會席伯爾河

哈柳圖河 在烏審西南一百八十里源出虎喇虎之地東南流合細河金河二水入榆林邊互波羅塔會西來之額圖渾河為無定河按此即榆林無定河之別源古黑水也亦名吃那河元

朱思本河源記吃那河源自古宥州東南流過陝西省綏德州
凡七百里與黃河合

細河 在烏審西南二百十里蒙古名納林河源出托里泉南流
會哈柳圖河

金河 在烏審西南二百九十里蒙古名西喇烏素源出磨虎喇
虎之地南流會哈柳圖河

石膏川河 在烏審西南三百六十里蒙古名額圖渾源出賀迪
圖山北平地東南流合數小水入橫山縣邊為恍惚都河又折
東北至波羅塔會哈柳圖河為無定河按此即古會廷水也

赤沙河 在杭旗西一百三十里蒙古名烏蘭源出赤沙泉東北

流入鍋底池

兔河 在抗折南一百二十里蒙古名陶賴入鍋底池

黃水河 在抗折西南一百四十里蒙古名西喇木倫源出馬陰

山北平地東北流入古爾板泊

鄂爾吉虎池 在抗折所駐其西六十里有古爾板崇圍池因有

三池故名

鍋底池 在抗折西九十里周圍二十餘里產鹽赤沙河兔河二

水注入其中即漢時期才縣鹽澤唐時名胡洛鹽池者也今土

人名喀喇莽奈

喀西拉虎河 在達折東五十里源出已泊呼勒泉東北流入奈

馬代泊奈馬代泊在達斡爾東四十三里

魚河 在達斡爾東一百十里蒙古名折克蘇台源出托諾克托羅
海山東北流入捕魚池捕魚池在達斡爾東一百四十里蒙古名
喀喇烏蘇

蒲河 在達斡爾東一百四十里蒙古名呼魯蘇台源出插漢拖羅
海岡東北流入蒲池

巴哈池 在達斡爾所駐又哈達圖池在斡東北三十里

摩多圖插漢池 在達斡爾西一百三十里又忒默圖插漢池在斡
東五十里五楞池在斡西南三百里

紅藍池 在達斡爾西南三百里蒙古名五楞池明成化中總督王

越敗套寇於紅鹽池即此延綏志榆林東有長鹽池紅鹽池在
其西北三百五十里

清湖 即青山湖在郡旗西南三百五十里近榆林寧塞堡北蒙

古名倂哈拉克腦兒清水河注其內清水河在旗南三百九十
里源出邊外北流入倂哈拉克池又有彬草湖在寧塞堡西北
收麥湖在甄井堡邊外名沙湖在鹽場堡北邊外赤木墩西

西拉布里都池 鄂旗所駐又二折圖池在旗東二十五里西黑
圖池在旗南二百九十里

太籃上綠池 在鄂旗東北四十二里

(丁)陰山南麓及勾注西北諸水

騰格里池 在杭折西北阿拉善分界處即古麻澤唐申澤水經

注云河水又北迤西溢於麻澤縣故城東其水積為唐申澤澤

東西一百二十里即此又有哈爾哈納河阿爾坦河均南流注

於澤

柳河 在烏拉特旗

以下簡
稱烏折

西北三百里蒙古名布爾哈圖源出

陽山東平地西南流會教泉入五加河五加河即故黃河北道

哈柳圖河 在烏折西北二百里源出席勒山北平地南流會席

勒河注烏神河又西南折入五加河

烏爾圖河 在烏折北一百里源出雪山西南流入黃河

舍武河 在烏折北八十里源出教西喜山西流經大青山入黃

河

崑都倫河

在烏折東四十里源出烏務土祿之地西南流入黃

河

五連河

在烏折東南一百二十里源出布當圖山西南流入黃

河

大黑河

源出殺虎口外鑲藍旗察哈爾東北七十里海拉蘇台

坡名喀喇烏蘇西北流會東北山來之納扎海河安連河來打

馬台河又西受北來之德布色黑河水又西南合東來之哲布

德河始名伊克土爾根即大黑河也折正西流至歸化城南有

巴哈土爾根即小黑河也自東北山西南流經城西南會扎連

海河又西流有西喇烏蘇河呼圖克圖河源出殺虎口北山西
北流來合而來會又西哈爾凡河黑勒庫庫河多羅圖河察蘇
齊河諸水俱自大青山來注之又西南滙為黛山湖又西入黃
河

烏蘭木倫河 上源曰兔毛河源平魯縣西南北流至殺虎口西
出邊折向西流有察漢音圖河孛術格爾河虎虎烏蘇河俱自
察哈爾西南流來會循邊城而西舊名神水河又西至烏蘭巴
哈爾珠城西入黃河今日清水河即古中陵樹顏二水
白應泉水 由東來經河會營南而西注於黃河

測量黃河附圖二十五至二十八

廣狹深淺 河水出青銅峽入河套北行少東約五百里地勢平
緩河面甚寬至石嘴子始入兩山之中北行百餘里河面為極狹
至牛家溝出山峽歷磴口又北少東右岸山脈綿綿三百四十餘
里至烏拉河口河面由狹而漸寬自烏拉河口折向東行少北過
土城子又東少南四百五十餘里至西山嘴地勢平衍河面為最
寬又東行少南歷昭君塔過南海子六百三十餘里地亦平緩河
面由寬而狹至河口復入兩山之間又南少東二百三十餘里出
套入塞至河曲河面又為極狹土人謂河之狹者為石河寬者為
坡河大抵河面寬濶處中洪較淺狹隘處較深又凡迴水灣處甚

深茲分別段落將河寬狹深淺表明於下

各段河面寬狹深淺

青銅峽 石嘴子甚寬 三百七十五至二千八百八十公尺 一公尺六至六公尺四

石嘴子 牛家溝極狹 一百九十至三百公尺 二公尺至五公尺七

牛家溝 烏拉河漸寬 三百至一千七百二十六公尺 一公尺至五公尺七

烏拉河 西山嘴最寬 五百至四千六百公尺 一公尺至五公尺

西山嘴 河口鎮漸狹 三百八十五至一千一百五十公尺 一公尺六至四公尺八

河口鎮 河曲縣極狹 一百九十五至三百公尺 六公尺至五公尺七

漲落情形 河水漲落約分五季陽歷四月河水初開暴漲一次

謂之春水然為時甚暫過此水面漸落至五月而極六月上游山

林水雪融化河水盛漲謂之熱水以後時漲時落至七八九月值
 上游雨季水源源而來在七八月者為伏水八九月者為秋水以
 後水勢漸落至十月水勢甚平然冰凝以前又漲一次謂之冬水
 夏季之水以伏秋為最高春水次之熱水冬水又次之最低時為
 五六月之間茲將測驗各站水位分別五等表明於下

等次 / 站位 石嘴子 磴口鎮 南海子 河口鎮

最高時河深 六公尺五 十公尺六 五公尺八 五公尺四

次高時河深 五公尺五 九公尺三 五公尺五 四公尺四

中等時河深 四公尺六 八公尺一 四公尺九 三公尺七

次低時河深 三公尺八 六公尺九 四公尺五 三公尺三

河
 卷
 新
 編
 六
 九

最低時水深

三公尺一

五公尺九

三公尺七

二公尺七

流量流速

流速各段不一大約每秒時由六公寸至一公尺又

七公寸而在石河竟有二公尺至四公尺之間流量在青銅峽每

秒最大有二千四百立方公尺最小約八百立方公尺下游漸次

減小至河口鎮每秒最大時約一千二百立方公尺最小五百餘

立方公尺茲將各站流量分別表明於下但中次三級係於民國

八年測驗而得最高最低係詢明土人測其水位推算之畧數用

備參攷

各級

各站

石嘴子

磴口鎮

南海子

河口鎮

最高每秒時流量

一千九百九十六

一千九百五十八

一千六百二十六

一千六百二十三

立方公尺

次高每秒時流量 $1503 \frac{立方}{公尺}$ 一千五百零六 一千一百九十三 一千一百九十九

中等每秒時流量 $1103 \frac{立方}{公尺}$ 一千一百五十三 九百零九 九百零八

次低每秒時流量 $863 \frac{立方}{公尺}$ 八百四十九 七百六十 七百五十九

最低每秒時流量 $610 \frac{立方}{公尺}$ 六百零五 五百三十四 五百三十一

含沙成分 通常水量平緩時每河水千分含沙三四分至五六

分春熟冬三季漲水每千分含沙六七分至八九分不等惟伏秋

大汛上游雨水入河含沙最多每千分由四十分至七十分之

多凡初漲時沙量尤多蓋上游地土鬆煖遇雨水剝蝕輒沙泥並

下又灘嘴流緩易于沉澱河灣流速刷沙力強茲就民國八年沿

途測驗各站推算每立方公尺水量所含沙量成分以立方公尺

表明於下

測站	測驗日期	含沙成分
南海子	六月四日	九立方公分
名灣	六月五日	三
義和渠口	六月十一日	五
強家渠口	六月二十九日	七
纏金渠口	六月三十日	五

測站	測驗日期	含沙成分
磴口	七月四日	七立方公分
中家溝	七月六日	七
靈沙堡	七月十三日	六八
青銅峽	七月十四日	六

河套內外諸山考

一、賀蘭山系寧夏諸山及寧夏河東橫山西北塞內諸山

賀蘭山 在寧朔縣西六十里自首至尾延亘五百餘里寬三十六里山之陰為阿拉善厄魯特部游牧所在漢人多居其陽象古名阿拉善漢人名曰賀蘭而山陰山陽異名突一聲之轉也元和郡縣志賀蘭山在保靜縣西九十三里樹木青白望若駿馬北人呼駮為賀蘭故以此名其山與河東望雲山形勢相接迤邐向北經靈武縣又西北經保靜西又西北經懷遠縣西又北經定遠城西又東抵河其抵河之處亦名乞伏山從首至尾有像月形南北約五百餘里真邊城之巨防山之東河之西有平田數千頃可

引水灌溉如盡收地利足以贍給軍儲也舊志山在寧夏城西六
十里峯巒蒼翠崖壁險峭邊境倚以為固上有廢寺百餘並元昊
故宮遺址自來為居人畋獵樵牧之場明弘治中北虜為患遂奏
焚之山麓有黃安峽赤木等口舊皆置石置驛

莎羅摸山 在寧朔縣西南一百里近賀蘭山靈武口有水自
地湧出旱禱多應

卑移山 在寧朔縣西北漢書地理志在康縣西北

石嘴山 在平羅縣北明統志在寧夏衛東北二百里山石穴
出如嘴故名

麥梁山 在平羅縣北劉吉家守通志在寧夏衛東北二百里山

勢高聳如麥塚

西瓜山

在平羅縣北明統志在寧夏衛東北二百八十里以

形似名

黃草山

在平羅縣北明統志在寧夏衛北二百八十里其山

草色多黃

省憲山

在平羅縣東北舊志在寧夏衛東北一百四十里有

省憲口為防禦要地衛道元水經注河水逕石崖山西崖之上自

然有文畫若戰馬之狀粲然成著類似圖焉故亦謂之畫石山蓋

即省憲山也山在黃河東崖今土名紅崖子

老虎山

在平羅縣東北舊志在平羅所東北一百八十里黃

河岸上九邊考云自老虎山而西為長流水蒲草泉等險距寧夏
衛境可數百里皆可收為外險

黑山 在平羅縣西北朔方志山在寧夏衛東北二百里賀蘭
山尾其形如虎距

峽口山 一名青銅峽在寧朔縣南兩山對峙河水經焉中有
禹王廟又有古塔一百八座不知所始或云昔人厭勝之具有新
月白電美女彈箏諸峯檀壁森峭奔流湍駛泛舟其間雖盛夏六
月寒神淒骨亦塞上一偉觀云

撻狼山 在靈武縣東明統志狼山即此套虜由韋州南犯鎮
原平涼之道也按靈武縣即舊靈州

磁窑山 在靈武縣東六十里為陶冶之所出石灰明成化九年築磁窑堡於此

三山 在靈州堡東一百里三峯列峙

金積山 在金積縣產文石山土色如金故名山北崖石下水

滴如雨

大系蝮山 在靈州堡西二十五里層巒疊嶂峯名萃如冰萃以其峯

如多蝮故名又有小系蝮山在大系蝮山南亦曰螺山套虜入寇嘗駐牧

平山 在靈武縣東北八十里以山頂平故名

羅厓山 在靈武縣西乾道六年夏相任得敬賜其主仁孝分西

南路即靈州羅厓嶺與之即此

歡喜嶺 在靈武縣東明成化中虜入靈州東永隆墩官軍追
敗之於此

(二)套內鄂爾多斯諸山

夾山 在準噶爾旗東南六十五里蒙古名和岳爾喀喇拖羅
海遼天祚失國東遁入夾山疑即此 按準噶爾即左翼前旗以
下簡稱準旗

黑山 在準旗東南六十五里蒙古名喀喇賀郎

退諾克拖海山 在達拉特旗東南一百四十五里其西曰拜
圖拖羅海 按達拉特即左翼後旗以下簡稱達旗

恩多爾拜山 在烏審旗南二百二十里 按烏審即右翼前

折以下簡稱烏審

總材山 在烏審東南一百四十里蒙古名摩多圖

巴因山 在烏審西南三百一十里

錦屏山 在烏審西南三百九十里蒙古名巖靈

蘇海阿魯山 在鄂托克折南三百六十里康熙二十二年松

喇布以牧地狹請移牧蘇海阿魯遣侍郎阿喇尼其奏距定邊興

武營邊外或五六十里非邊內可耕之地應允其移牧 按鄂托

克即右翼中折以下簡稱鄂折

賀修圖山 在鄂折南三百七十里俗名回回墓山與寧塞堡

邊界相接

色爾騰山 在鄂旗西一百三十里

黃草山 在鄂旗西北一百一十里蒙古名庫克爾齊

哈伯又齊山 在鄂旗西北一百二十里

鄂蘭喀喇拖羅海山 在鄂旗西北一百二十里

鄂龍山 在鄂旗西北一百二十五里

色爾蚌喀喇山 在鄂旗西二百四十里

馬陰山 在杭錦旗西一百四十里蒙古名阿克塔賀邵 按

杭錦即右翼後旗以下簡稱杭旗

巴漢得石峯 在準旗北四十里

得石峯 在準旗西北六十里

敖西喜峯 在郡王旗所駐平地突起一峯 按郡王即在翼
中旗以下簡稱郡旗

伊克翁公岡 在達旗南四十里

巴哈翁公岡 在達旗南四十里

奈漢拖羅海岡 在達旗東南一百三十里

吳列鄂博拖羅海岡 在杭旗東南九十里

達爾巴合岡 在杭旗西北八十里

(三) 陰山系黃河以北附近河套諸山

陰山 在烏拉特旗西北蒙古名葛孔爾史記秦始皇本紀三

十三年自榆林並河以東屬之陰山以為三十四縣注徐廣曰在

五原北漢書匈奴傳侯應曰北邊塞外有陰山東西千餘里草木
茂盛多禽獸漢書名臣奏云漢得陰山匈奴長老過之未嘗不哭
也後漢書郡國志五原縣西安陽北有陰山唐書地理志安北都
護府北至陰山七十里九邊考陰山在中受降城東北自陰山而
北皆大磧磧東西數千里南北亦千里無水草不可駐牧中國得
陰山乘高而望冠所出沒踪跡皆見為禦邊要地 按烏拉特以
下簡稱烏旗

烏拉山 在烏旗界水經注河水又南逕馬陰山西疑即今烏
拉山之西山嶺也

居延山 在烏旗東三十五里蒙古名崑都倫

狼山 在烏旗西蒙古名綽農拖羅海

牛頭朝那山 在烏旗東九十里蒙古名雞藍拖羅海

宿鬼山 在烏旗東一百一十里蒙古名扎拉 按遼史西夏

傳冠後垂紅纓自號鬼名為纓蓋本諸此

河套山 在烏旗北四十里

雪山 有二蒙古名又蘇台一在烏旗北九十里一在烏旗西

北二百五里

大青山 在烏旗西北七十里蒙古名莫喀喇

赤城山 在烏旗西北一百里蒙古名烏蘭拜星

義博圖喀喇山 在烏旗西北一百六十里

莫墩我博圖山 在烏旂西北一百七十里

阿爾柴山 在烏旂西北一百九十里

連山 在烏旂西北一百九十里蒙古名和岳爾喀喇我博

馬神山 在烏旂西北一百九十里蒙古名翁公

陽山 在烏旂西北二百里蒙古名洪戈爾史記蒙古恬渡河據

陽山後漢書侯應曰陽山在河北

巴爾哈山 在烏旂西北二百四十里山高六峯二百餘里

拂雲堆 在烏旂西北一百九十里蒙古名烏朱爾插漢唐書

堆有佛雲祠突厥將入寇必先詰諸祠祭酹求福因牧馬營兵候

水合渡河

高闕山 水經注河水又屈而東流為北河東逕高闕南史記
趙武靈王既罷胡服自代並陰山下至高闕為塞山下有長城長
城之際連山刺天其山中斷兩峯雙闕雲翠即狀表目故有高闕
之名自闕北出荒中

四、勾注山系黃河以東附近河套諸山

火山 在河曲縣西七里山上有孔以草投其中烟焰上發可

熟食物草木不生上有硃砂窟下有氣砂窟黃河經其下似遇覆
釜而河為之曲山後有大石有禹廟水不能浸宋名火山軍以此

韓家嶺 在河曲縣西北四十里

赤崖 在河曲縣西北四十里即河會村古名赤崖村土色赤

峯巒數十上有蛤蚌腐甲

北峯岩 在偏關縣西北五十里高百仞臨黃河岸上有石洞
數十相傳僧北峰棲此

常勝山 在偏關縣北六十里右連老牛灣左接滑石澗匪直
雄視塞外仰亦俯瞰黃河故以常勝名

了角山 在偏關縣東北接大同之了角而西為草梁明燈台
紫荊山以至老牛灣而西盡於河